

摘藻堂四庫全書薈要

史部

欽定四庫全書薈要卷七千八十三

史部

資治通鑑卷九十七

宋 司馬光 撰

胡三省 音註

晉紀十九

起玄默攝提格盡
彊圉協洽凡六年

顯宗成皇帝下

咸康八年春正月己未朔日有食之

考異曰天文志
作乙未今從帝紀

及長
歷

乙丑大赦 豫州刺史庾惸以酒餉江州刺史

王允之允之覺其毒飲犬

飲於
禁翻

犬斃密奏之帝曰大舅

已亂天下

謂庾亮也

小舅復欲爾邪

復扶又翻

二月懌飲鴆而卒

卒子恤翻

三月初以武悼后配食武帝廟

楊皇后惠帝永康元年幽廢而

死今乃得配食武帝

庾翼在武昌數有妖怪

數所角翻妖於驕翻

欲移鎮

樂鄉征虜長史王述與庾冰牋曰樂鄉去武昌千有餘

里數萬之衆一旦移徙興立城壁公私勞擾又江州當

沂流數千里供給軍府力役增倍且武昌實江東鎮戍

之中非但扞禦上流而已緩急赴告駿奔不難

書武成曰駿奔

走駿音峻注云駿大也言皆奔走也

若移樂鄉遠在西陲一朝江渚有虞

不相接救方岳重將

將即亮翻

固當居要害之地爲内外形

勢使闕闕之心不知所向昔秦忌亡胡之讖卒爲劉項

之資

秦盧生奏錄圖書曰亡秦者胡也于是始皇使蒙恬北伐胡不知立子胡亥以兆亂卒子恤翻

周

惡壓弧之謠而成褒姒之亂

國語曰宣王之時有童謠曰壓弧箕服實亡周國宣

王聞之有夫婦鬻是器者使執而戮之府之小妾生子而非王子也懼而弃之此人也收以奔褒褒人有獄而以女入于幽王王嬖是女而生伯服是爲褒姒欲廢太子立白而立伯服卒以成申侯西戎之亂惡烏路翻

於琰翻

是以達人君子直道而行讓避之道皆所不取正

當擇人事之勝理思社稷之長計耳朝議亦以爲然

直朝

遙翼乃止

夏五月乙卯帝不豫

豫順也。不豫言有疾而氣體不能順適也。

六月庚寅疾篤。或詐爲尚書符敕宮門無得內宰相衆

皆失色。庾冰曰：「此必詐也。」推問果然。

推考也。究也。

帝二子丕

奕皆在襁褓。

襁居兩翻。褓音保。

庾冰自以兄弟秉權日久，恐易

世之後親屬愈踈，爲它人所間。

間古覓翻。

每說帝以國有彊

敵。

強敵謂漢趙也。說輸芮翻。

宜立長君。

長知兩翻。

請以母弟琅邪王岳爲

嗣。帝許之。中書令何充曰：「父子相傳，先王舊典，易之者

鮮不致亂。」

鮮息淺翻。

故武王不授聖弟。

聖弟謂周公。

非不愛也。今

琅邪踐阼將如孺子何冰不聽下詔以岳爲嗣并以奕

繼琅邪哀王

元帝以子哀奉琅邪恭王後薨謚曰孝子哀王安國立未踰年薨元帝復以皇子煥

嗣封其日薨復以皇子昱爲琅邪王咸和之初昱徙封會稽以岳爲琅邪王今岳入繼大宗故以奕繼哀王後

壬辰冰充及武陵王晞會稽王昱尚書令諸葛恢並受

顧命

會工外翻

癸巳帝崩

年十二

帝幼冲嗣位不親庶政及長

頗有勤儉之德

長知兩翻

甲午琅邪王即皇帝位大赦

己亥封成帝子丕爲琅邪王奕爲東海王 康帝亮陰

不言委政於庾冰何充秋七月丙辰葬成帝于興平陵

帝徒行送喪至閭闔門乃升素輿至陵所既葬帝臨軒

庾冰何充侍坐

坐祖臥翻

帝曰朕嗣鴻業二君之力也充曰

陛下龍飛臣冰之力也若如臣議不覩升平之世帝有

慙色已未以充爲驃騎將軍

驃匹妙翻

都督徐州揚州之晉

陵諸軍事領徐州刺史鎮京口

晉永嘉大亂徐州淮北流民相率過淮亦有過

江居晉陵郡界者咸和四年司徒郗鑒又徙流民之在淮南者於晉陵諸縣其徙過江南及留在江北者並立僑郡以司牧之徐州實郡在江北者實有廣陵堂邑鍾離三郡而揚州之境以晉陵郡屬徐州所謂都督徐州揚州之晉陵諸軍事者此也晉陵郡吳之毘陵郡也吳分吳郡無錫以西爲毘陵郡晉東海王越世子名毘而

東海國故食毘陵永
嘉五年改爲晉陵
避諸庾也
冬十月燕王皝遷都

龍城

慕容廆先居徒河之青山後徙棘城今自棘城徙都龍城杜佑曰營州柳城郡古孤竹國也春秋爲

山戎肥子二國地漢徙河之青山在郡城東百九十里棘城即顯項之虛在郡城東南百七十里慕容皝以柳

城之北龍山之南福德之地遂遷都龍城號新宮爲和龍宮柳城縣有白狼山白狼水又有僕扶犂縣故城在

東南其龍山即慕容皝祭龍赦其境內建威將軍翰言所也有饒樂水漢徒河縣城

於皝曰宇文彊盛日夕屢爲國患今逸豆歸篡竊得國

逸豆歸逐乙得歸見羣情不附加之性識庸闇將帥非九十五卷咸和八年

才

將即亮翻帥所類翻

國無防衛軍無部伍臣父在其國悉其地

形雖遠附疆羯

疆羯謂趙也
羯居謁翻

聲執不接無益救援今若

擊之百舉百克然高句麗去國密邇常有闚闚之志

如句

字又音駒麗力知翻闚缺規翻門中視也闚
從門旁實中視也音俞韻釋闚闚私視也

彼知宇文

既亡禍將及已必乘虛深入掩吾不備若少留兵則不

足以守多留兵則不足以行此心腹之患也宜先除之

觀其執力一舉可克宇文自守之虜必不能遠來爭利

既取高句麗還取宇文如返手耳

返當作
反下同

二國既平利

盡東海國富兵彊無返顧之憂然後中原可圖也孰曰

善將擊高句麗高句麗有二道其北道平闊南道險狹

北道從北置而進南道從南陝入木底城

衆欲從北道翰曰虜以常情料之

必謂大軍從北道當重北而輕南王宜帥銳兵從南道

擊之出其不意九都不足取也

高句麗王居九都帥讀曰率下同

別遣

偏師從北道縱有蹉跌

蹉跌倉何翻跌徒結翻蹉跌失足而踣也

其腹心已

潰四支無能爲也孰從之十一月孰自將勁兵四萬出

南道

將即亮翻下同

以慕容翰慕容霸爲前鋒別遣長史王寓

等將兵萬五千出北道以伐高句麗高句麗王釗果遣

弟武帥精兵五萬拒北道自帥羸兵以備南道

羸 倚 爲 翻

慕

容翰等先至與釗合戰釗以大衆繼之左常侍鮮于亮

曰臣以俘虜蒙王國士之恩

事見上卷 咸康四年

不可以不報今

日臣死日也獨與數騎先犯高句麗陳所嚮摧陷高句

麗陳動

騎 奇 翻 下同 陳 讀 曰 陣

大衆因而乘之高句麗兵大敗左

長史韓壽斬高句麗將阿佛和度加

高 句 麗 置 官 有 相 加 大 加 小 加

諸

軍乘勝追之遂入丸都釗單騎走輕車將軍慕輿挹追

獲其母周氏及妻而還會王寓等戰於北道皆敗沒由

是孰不復窮追

復扶又翻下同

遣使招釗釗不出孰將還韓壽

曰高句麗之地不可戍守今其主亡民散潜伏山谷大

軍既去必復鳩聚

鳩亦聚也

收其餘燼

火餘曰燼猶能復燃

猶足爲患

請載其父尸囚其生母而歸俟其束身自歸然後返之

撫以恩信策之上也孰從之發釗父乙弗利墓載其尸

收其府庫累世之寶虜男女五萬餘口燒其宮室毀九

都城而還

還從宣翻又如字

十二月壬子立妃褚氏爲皇后

徵豫章太守褚裒爲侍中尚書裒自以后父不願居中

任事

哀薄
侯翻

苦求外出乃除建威將軍江州刺史鎮半洲

趙王虎作臺觀四十餘所於鄴

觀古
玩翻

又營洛陽長安

二宮作者四十餘萬人又欲自鄴起閣道至襄國敕河

南四州治南伐之備

河南四州洛豫徐
兗也治直之翻

并朔秦雍嚴西

討之資

晉地理志曰石勒平朔方置朔
州西討欲攻河西也雍於用翻

青冀幽州爲東

征之計

東征欲
伐燕也

皆三五發卒

三丁發二
丁發三也

諸州軍造甲

者五十餘萬人船夫十七萬人爲水所沒虎狼所食者

三分居一加之公侯牧宰競營私利百姓失業愁困貝

丘人李弘

貝丘縣自漢以來屬清河郡北齊併入清河縣

因衆心之怨自言姓

名應讖連結黨與署置百寮事發誅之連坐者數千家

虎畋獵無度晨出夜歸又多微行躬察作役侍中京兆

韋謏諫曰

謏蘇了翻

陛下忽天下之重輕行斤斧之間猝有

狂夫之變雖有智勇將安所施又興役無時廢民耘穫

穫戶郭翻

吁嗟盈路殆非仁聖之所忍爲也虎賜謏穀帛而

興繕滋繁游察自若秦公韜有寵於虎太子宣惡之

惡烏

路翻右僕射張離領五兵尚書

曹魏置五兵尚書沈約志五兵尚書領中兵外兵騎

兵別兵都兵
故謂之五兵

欲求媚於宣說之曰

說輸
芮翻

今諸侯吏兵過

限宜漸裁省以壯本根宣使離爲奏秦燕義陽樂平四

公

秦公韜燕公斌義陽公鑒樂平公苞

聽置吏一百九十七人帳下兵二

百人自是以下三分置一餘兵五萬悉配東宮

配隸也

於

是諸公咸怨嫌釁益深矣青州上言濟南平陵城北石

虎一夕移於城東南

漢濟南郡有東平陵縣晉省後復置爲平陵縣唐爲齊州全節縣濟

子禮
翻

有狼狐千餘迹隨之迹皆成蹊虎喜曰石虎者朕

也自西北徙而東南者天意欲使朕平蕩江南也其敕

諸州兵明年悉集朕當親董六師以奉天命羣臣皆賀

上皇德頌者一百七人

上時掌翻

制征士五人出車一乘牛

二頭米十五斛絹十匹調不辦者斬

乘繩證翻調徒鈞翻

民至鬻

子以供軍須

行軍所須以爲用故曰軍須

猶不能給自經於道樹者

相望

人之自經必於溝瀆隱藏之地死亡計迫自經于道旁之樹蓋甚不獲已也相望言其多也按目錄

書是年代王還雲中

康皇帝

諱岳字世同成帝母弟也咸和元年封吳王二年徙封琅邪王謚法溫柔好樂曰康

建元元年春二月高句麗王釗遣其弟稱臣入朝於燕

朝直貢珍異以千數燕王魫乃還其父尸猶畱其母爲

質致質音

宇文逸豆歸遣其相莫淺渾將兵擊燕諸將

爭欲擊之

相息亮翻將即亮翻

燕王魫不許莫淺渾以爲魫畏之

酣飲縱獵不復設備

酣戶甘翻復扶又翻

魫使慕容翰出擊之莫

淺渾大敗僅以身免盡俘其衆

庾翼爲人忼慨

忼慨同音

口黨翻

喜功名

喜許記翻

琅邪內史桓溫彘之子也

桓彘死于蘇峻之難

尚南康公主

公主明帝女

豪爽有風槩

言其有風力氣槩

翼與之友

善相期以寧濟海內翼嘗薦溫於成帝曰桓溫有英雄

之才願陛下勿以常人遇之常壻畜之

畜呼玉翻
又許竹翻

宜委

以方邵之任

方叔邵虎周宣
王用之以中興

必有弘濟艱難之勲時杜

乂殷浩並才名冠世

冠古
玩翻

翼獨弗之重也曰此輩宜束

之高閣俟天下太平然後徐議其任耳浩累辭徵辟屏

居墓所

屏必
郭翻

幾將十年

幾居
希翻

時人擬之管葛

管仲諸葛
孔明也

江夏相謝尚長山令王濛

漢獻帝初平二年分烏傷立
長山縣屬會稽郡吳分屬東

陽郡隋改長山爲
金華縣今屬婺州

常伺其出處

伺相吏翻處
昌呂翻下同

以卜江左

興亡嘗相與省之

省悉
井翻

知浩有確然之志

確然者守志
堅固不移也

既返相謂曰深源不起當如蒼生何

殷浩字深源

尚鯤之子

也翼請浩爲司馬詔除侍中安西軍司

軍司即司馬

浩不應

翼遺浩書曰王夷甫立名非真雖云談道實長華競

于

季翻長知兩翻

明德君子遇會處際

言遇風雲之會處功名之際也

寧可然乎

浩猶不起殷羨爲長沙相

相息亮翻

在郡貪殘庾冰與翼書

屬之

屬之欲翻

翼報曰殷君驕豪亦似由有佳兒

佳兒謂浩也

弟

故小令物情容之

翼冰弟也

大較江東之政以姬煦豪彊常

爲民蠹

姬於具翻煦許具翻鄭玄曰體曰姬氣曰煦

時有行法輒施之寒劣

寒者衰冷無氣燄也如往年偷石頭倉米一百萬斛皆劣者卑弱在人下也

是豪將輩而直殺倉督監以塞責

倉督監筦倉之官將即亮翻塞悉則翻

山遐爲餘姚長爲官出豪彊所藏二千戶

餘姚縣屬會稽郡長知兩

翻爲于偽翻

而衆共驅之令遐不得安席雖皆前宰之惛謬

前宰指王導惛音昏庾翼察舉小才耳當江東草創之時非王導之弘致遠識不能濟也謂之惛謬談何容易

江東事去實此之由兄弟不幸橫陷此中

橫戶孟翻自不能

拔足於風塵之外當共明目而治之

治直之翻

荊州所統二

十餘郡

太康地志荊州統郡二十有二惠帝至元帝又立隨新野竟陵新興南河等郡

唯長沙

最惡惡而不黜與殺督監復何異邪

復扶又翻

遐簡之子也

永嘉中山簡鎮襄陽

翼以滅胡取蜀爲己任遣使東約燕王皝西

約張駿刻期大舉朝議多以爲難

使疏吏翻朝直遙翻

唯庾冰意

與之同而桓溫譙王無忌皆贊成之無忌承之子也

譙王

承死於王敦之難承當作永音極

秋七月趙汝南太守戴開帥數千人

詣翼降

帥讀曰率降戶江翻

丁巳下詔議經略中原翼欲悉所部

之衆北伐表桓宣爲都督司雍梁三州荊州之四郡諸

軍事梁州刺史

荊州四郡南陽新野襄陽南鄉也雍於用翻

前趣丹水

丹水縣前

漢屬弘農郡後漢屬南陽郡晉屬順陽郡賢曰丹水故城在今鄧州內鄉縣西南臨丹水趣七喻翻桓溫

爲前鋒小督假節帥衆入臨淮

考異曰帝紀溫入臨淮下云庾翼爲征討大

都督遷鎮襄陽按翼傳翼先表移鎮安陸至夏口上表云九月十九日發武昌二十四日達夏口始請徙鎮襄

陽始詔加都督征討諸軍事故知不在此月並發所統六州奴及車牛驢馬

百姓嗟怨

六州江荆司雍梁益也

代王什翼捷復求婚於燕

捷居

言翻復扶又翻

燕王皝使納馬千匹爲禮什翼捷不與又倨慢

無子壻禮八月皝遣世子儁帥前軍師評等擊代

帥讀日率

下同考異曰後魏序紀八月慕容元真遣使請薦女無用兵事今從燕書

什翼捷帥衆

避去燕人無所見而還

還從宣翻
又如字

漢主壽卒

年十四
諡

曰昭文廟號中宗太子勢即位大赦

勢字子仁壽
之長子也

趙

太子宣擊鮮卑斛穀提大破之斬首三萬級

宇文逸

豆歸執段遼弟蘭送於趙

翟遼之敗其弟蘭奔宇文
部逸豆歸今執以送趙

并

獻駿馬萬匹趙王虎命蘭帥所從鮮卑五千人屯令支

令音鈴又郎
定翻支音祁

庾翼欲移鎮襄陽恐朝廷不許乃奏云

移鎮安陸

安陸縣自漢以來屬江
夏郡唐爲安州治所

帝及朝士皆遣使譬

止翼翼遂違詔北行至夏口復上表請鎮襄陽

朝直遙
翻使疏

吏翻夏戶雅翻復
扶又翻上時掌翻

翼時有衆四萬詔加翼都督征討諸

軍事先是車騎將軍揚州刺史庾冰屢求出外

先悉薦翻

辛

巳以冰都督荆江寧益梁交廣七州豫州之四郡諸軍

事

豫州四郡宣城歷陽廬江安豐也

領江州刺史假節鎮武昌以爲翼

繼援徵徐州刺史何充爲都督揚豫徐州之琅邪諸軍

事

永嘉之亂琅邪國人隨元帝過江者千餘戶太興三年立懷德縣丹陽雖有琅邪相而無其地是年桓溫

爲內史鎮江乘之蒲洲金城上求割丹陽之江乘縣境立郡所謂徐州之琅邪北也領揚州刺史

錄尚書事輔政以琅邪內史桓溫爲都督青徐兗三州

諸軍事徐州刺史褚裒爲衛將軍領中書令 冬十一

月己巳大赦

二年春正月趙王虎享羣臣於太武殿有白鴈百餘集

馬道之南

馬道者築道可
以馳馬往來

虎命射之皆不獲

射而
亦翻

時諸

州兵集者百餘萬太史令趙攬密言於虎曰白鴈集庭
宮室將空之象不宜南行虎信之乃臨宣武觀大閱而

罷

石虎倣洛都之制築宣
武觀於鄴觀古玩翻

漢主勢改元太和尊母閭

氏爲皇太后立妻李氏爲皇后 燕王皝與左司馬高

詡謀伐宇文逸豆歸詡曰宇文彊盛今不取必爲國患

伐之必克然不利於將

將即亮詡

出而告人曰吾往必不返

然忠臣不避也於是詡自將伐逸豆歸

將即亮詡下同

以慕容

翰爲前鋒將軍劉佩副之分命慕容軍慕容恪慕容霸

及折衝將軍慕輿根將兵三道並進高詡將發不見其

妻使人語以家事而行

語牛倨詡

逸豆歸遣南羅大涉夜干

將精兵逆戰

南羅城名大城大也慕容旣克宇文改南羅城爲威德城考異曰慕容詡載記作涉

弈干今詡遣人馳謂慕容翰曰涉夜干勇冠三軍

冠古玩詡

宜小避之翰曰逸豆歸掃其國內精兵以屬涉夜干

屬之

欲翻涉夜干素有勇名一國所賴也令我克之其國不攻

自潰矣且吾孰知涉夜干之爲人

孰與熟同

雖有虛名實易

與耳不宜避之以挫吾兵氣遂進戰翰自出衝陳

易以鼓翻

陳讀日陣涉夜干出應之慕容霸從傍邀擊遂斬涉夜干宇

文士卒見涉夜干死不戰而潰燕軍乘勝逐之遂克其

都城

宇文國都遼西紫蒙川

逸豆歸走死漠北宇文氏由是散亡

既悉收其畜產資貨徙其部衆五千餘落於昌黎闕地

千餘里更命涉夜于所居城曰威德城使弟彪戍之而

還高詡劉佩皆中流矢卒

還音旋中竹仲
詡卒子恤詡

詡善天文

嘗謂曰卿有佳書而不見與何以爲忠蓋詡曰臣聞人

君執要人臣執職執要者逸執職者勞是以后稷播種

堯不預焉占候天文晨夜甚苦非至尊之所宜親殿下

將焉用之

焉於
虔翻

黜默然初逸豆歸事趙甚謹貢獻屬路

屬之
欲翻

及燕人伐逸豆歸趙王虎使右將軍白勝并州刺

史王霸自甘松出救之

甘松在濡源之西
東突門嶺之西

比至

比必
寐翻

宇文

氏已亡因攻威德城不克而還慕容彪追擊破之慕容

翰之與宇文氏戰也爲流矢所中臥病積時不出後漸

差差楚懈翻疾瘳也於其家試騁馬或告翰稱病而私習騎乘

疑欲爲變燕王皝雖藉翰勇畧然中心終忌之乃賜翰

死翰曰吾負罪出奔旣而復還翰出奔見九十五卷成帝咸和八年還見上卷

咸康六年復扶又翻今日死已晚矣然羯賊跨據中原吾不自量

量音良欲爲國家蕩壹區夏爲于偽翻夏戶雅翻此志不遂沒有遺

恨命矣夫飲藥而卒考異曰三十國春秋云永和二年九月殺翰燕書翰傳翰嘗臨陳

爲流矢所中病臥歲時不出入後漸差試馬按自討宇文後翰未嘗預攻戰自建元二年正月至永和二年九月己踰年矣三十國春秋恐誤今從載記翰傳

代王什翼捷遣其大人長孫

秩迎婦於燕

拓跋鄰之統國也以次兄爲拔拔氏厥後孝文帝欲變其俗改爲長孫氏史以華言

書其後所改姓

夏四月涼州將張瓘敗趙將王擢于三交城

三交城在朔方之西宋白曰三交土堠在綏州東北七十五里將即亮翻敗補邁翻

初趙領軍

王朗言於趙王虎曰盛冬雪寒而皇太子使人伐宮材

引於漳水役者數萬吁嗟滿道陛下宜因出游罷之虎

從之太子宣怒會熒惑守房

天文志房四星爲明堂天子布政之宮也亦四輔也

下第一星上將也次次將也次次相也上星上相也熒惑守房心王者惡之熒惑天子理也故曰雖有明天子必謹視熒惑所在宣使太史令趙攬言於虎曰房爲天王今熒

惑守之其殃不細宜以貴臣王姓者當之虎曰誰可者

攬曰無貴於王領軍虎意惜朗使攬更言其次攬無以

對因曰其次唯中書監王波耳虎乃下詔追罪波前議

桀矢事

見上卷成帝咸康六年

胥斬之及其四子投尸漳水旣而

愍其無罪追贈司空封其孫爲侯趙平北將軍尹農

攻燕凡城不克而還漢太史令韓皓上言熒惑守心

乃宗廟不修之譴

以七曜所經周天三百六十五度四分度之一考之房六度太心三度太

五星入之久而不去謂之守時趙太史以爲熒惑守房漢太史以爲熒惑守心是則躔度之難知也漢主

勢命羣臣議之相國董皎侍中王嘏以爲景武創業獻

文承基至親不遠無宜疎絕乃更命祀成始祖太宗皆

謂之漢

李特謚景武皇帝廟號始祖雄謚武皇帝廟號太宗驤謚獻皇帝壽謚文皇帝持驤兄弟也雄

壽從兄弟也故曰至親不遠李壽

改立宗廟見上卷成帝咸康四年征西將軍庾翼使

梁州刺史桓宣擊趙將李羆於丹水爲羆所敗

敗補翼

貶宣爲建威將軍宣慙憤成疾秋八月庚辰卒翼以長

子方之爲義城太守

沈約曰義成郡晉孝武立治襄陽五代志曰襄陽郡穀城縣舊曰義

城置義城郡又按晉書桓宣傳陶侃使宣鎮襄陽以其淮南部曲立義成郡則此郡立於咸和中明矣城當作

成代領宣衆又以司馬應誕爲襄陽太守參軍司馬勲

爲梁州刺史戍西城

西城縣時屬魏興郡

中書令褚裒固辭樞

要閏月丁巳以裒爲左將軍都督兖州徐州之琅邪諸

軍事兖州刺史鎮金城

金城在江乘之蒲洲琅邪僑郡亦以爲治所

帝疾

篤庾冰庾翼欲立會稽王昱爲嗣

會工外朝

中書監何充建

議立皇子聃

聃他含翻

帝從之九月丙申立聃爲皇太子戊

成帝崩于式乾殿

年二十三建康宮殿皆用洛都舊名

己亥何充以遺旨

奉太子即位大赦由是冰翼深恨充尊皇后褚氏爲皇

太后時穆帝方二歲太后臨朝稱制

朝直遙翻下同

何充加中

書監錄尚書事充自陳既錄尚書不宜復監中書

中書監之

監古陷翻監中書之監古銜翻復扶又翻下同

許之復加侍中充以左將軍褚

裒太后之父宜綜朝政上疏薦裒參錄尚書乃以裒爲

侍中衛將軍錄尚書事持節督刺史如故

裒蒲侯翻

裒以近

戚懼獲譏嫌上疏固請居藩改授都督徐兗青三州揚

州之二郡諸軍事衛將軍徐兗二州刺史鎮京口

揚州之二

郡晉陵義興也

尚書奏哀見太后在公庭則如臣禮私覲則嚴

父

朱熹曰私覲以私禮見也嚴尊也

從之

冬十月乙丑葬康帝于崇

平陵江州刺史庾冰有疾太后徵冰輔政冰辭十一

月庚辰卒庾翼以家國情事

言以兄弟之情則當赴冰之喪以國事則當治兵以

圖收復

留子方之爲建武將軍戍襄陽方之年少

少詩以照翻

參軍毛穆之爲建武司馬以輔之穆之寶之子也

毛寶豫有

平蘇峻之功邦城之陷寶死焉

翼還鎮夏口

夏戶雅翻

詔翼復督江州又領

豫州刺史翼辭豫州復欲移鎮樂鄉詔不許翼仍繕修

軍器大佃積穀以圖後舉

佃亭年翻

趙王虎作河橋於靈

昌津采石爲中濟

滑臺故鄭之廩延也城下有延津又西爲靈昌津石勒攻劉曜途出於此

以河水泮爲神靈之助號是處爲靈昌津大河深廣必下石爲中濟兩岸繫巨絙以維船然後可以立橋如河陽橋蒲津橋之中渾是也

采石採取石也濟如字

石下輒隨流

河流漂急故石下輒隨流而去

用功五千餘萬而橋不成虎怒斬匠而罷

孝宗穆皇帝上之上

諱聃字彭子康帝子也謚法中情見貌曰穆

永和元年春正月甲戌朔皇太后設白紗帷於太極殿

抱帝臨軒 趙義陽公鑒鎮關中役煩賦重文武有長

髮者輒拔爲冠纓

纓冠系也

餘以給宮人長史取髮白趙王

虎虎徵鑒還鄴以樂平公苞代鎮長安發雍洛秦并州

十六萬人

石虎分司州之河南弘農滎陽兗州之陳留東燕置洛州雍於用翻

治長安未

央宮

治直翻

虎好獵晚歲體重不能跨馬乃造獵車千乘

好呼到翻 乘繩證翻

刻期校獵自靈昌津南至滎陽東極陽都爲

獵場

陽都縣前漢屬城陽國後漢晉屬琅邪國賢曰使陽都故城在今沂州沂水縣南又曰在承縣南使

御史監察

監工 銜翻

其中禽獸有犯者梟至大辟

辟毘 亦翻

民有

美女佳牛馬御史求之不得皆誣以犯獸論死者百餘

人發諸州二十六萬人修洛陽宮發百姓牛二萬頭配

朔州牧官

趙置牧官于朔方

增置女官二十四等東宮十二等

公侯七十餘國皆九等大發民女三萬餘人料爲三等

以配之太子諸公私令采發者又將萬人郡縣務求美

色多強奪人妻殺其夫及夫自殺者三千餘人至鄴虎

臨軒簡第以使者爲能封侯者十二人荆楚揚徐之民

流叛畧盡

荆楚以國言揚徐以州言趙之壤地南陽汝南則改荆楚之地也壽陽則揚州之地也彭

城下邳東海琅邪東莞則徐州之地也一曰荆楚
揚徐之民先被掠及流入北界者今流叛畧盡 守令

坐不能綏懷下獄誅者五十餘人 下遐 金紫光祿大夫

逯明 金紫光祿大夫即光祿大夫加金章 因侍切諫 因

見而切 虎大怒使龍騰拉殺之 虎募驍勇拜爲龍 燕

王鮑以牛假貧民使佃苑中 佃亭 稅其什之八自有牛

者稅其七記室參軍封裕上書諫以爲古者什一而稅

天下之中正也降及魏晉仁政衰薄假官田官牛者不

過稅其什六自有牛者中分之猶不取其七八也自永

嘉以來海內蕩析武宣王綏之以德

慕容廆謚武宣王

中外之

民萬里輻湊襁負而歸之者若赤子之歸父母是以戶

口十倍於舊無田者什有三四及殿下繼統南摧彊趙

東兼高句麗北取宇文

帝歸慕容廆事見八十八卷愍帝建興元年號破趙事見上卷

成帝咸康四年破高麗見上卷咸康八年取宇文見上康帝建元二年

拓地三千里增民

十萬戶是宜悉罷苑囿以賦新民無牛者官賜之牛不

當更收重稅也且以殿下之民用殿下之牛牛非殿下

之有將何在哉如此則戎旗南指之日民誰不簞食壺

漿以迎王師

用孟子語
食祥吏翻

石虎誰與處矣

處昌呂
翻下同

川瀆溝

渠有廢塞者

塞悉則
翻下同

皆應通利旱則灌溉潦則疏泄一

夫不耕或受之飢况游食數萬何以得家給人足乎今

官司猥多虛費廩祿苟才不周用皆宜澄汰

以用水爲
諭澄之使

清而汰去
其沙泥也

工商末利宜立常負學生三年無成徒塞英

雋之路皆當歸之於農

塞悉
則翻

殿下聖德寬明博察芻蕘

文王詢于芻蕘
劉中曰芻采薪曰蕘芘如招翻

參軍王憲大夫劉明並以言事

忤旨主者處以大辟

主者謂其時主斷憲明之獄者
忤五改翻處昌呂翻辟昆亦翻

殿

下雖恕其死猶免官禁錮夫求諫諍而罪直言是猶適

越而北行必不獲其所志矣右長史宋該等阿媚苟容

輕劾諫士

劾戶梁翻又戶得翻

已無骨鯁

骨鯁以喻剛彊正直者毛晃曰鯁魚骨又骨不

下咽爲鯁以其謬謬難受如魚骨之啞咽也

嫉人有之掩蔽耳目不忠之甚

者也孰乃下令稱覽封記室之諫孤實懼焉國以民爲

本民以穀爲命可悉罷苑囿以給民之無田者實貧者

官與之牛力有餘願得官牛者並依魏晉舊法溝瀆各

有益者令以時修治

治直之翻

今戎事方興勲伐旣多

王功曰勲

積功曰伐

官未可減俟中原平壹徐更議之工商學生皆當

裁擇夫人臣關言于人主至難也

關白也王褒聖主得賢臣頌曰進退得關

其忠雖有狂妄當擇其善者而從之王憲劉明雖罪應廢

黜亦由孤之無大量也可悉復本官仍居諫司封生蹇

蹇深得王臣之體

易曰王臣蹇蹇匪躬之故

其賜錢五萬宣示内外

有欲陳孤過者不拘貴賤勿有所諱孰雅好文學

好呼到翻

常親臨庠序講授考校學徒至千餘人頗有妄濫者故

封裕及之

詔徵衛將軍褚裒欲以爲揚州刺史錄尚

書事吏部尚書劉遐長史王胡之說哀曰

說輸
芮翻

會稽王

令德雅望國之周公也足下宜以大政授之哀乃固辭

歸藩壬戌以會稽王昱爲撫軍大將軍錄尚書六條事

劉聰以其子粲爲丞相領大將軍錄尚書事劉延年錄尚書六條事錄六條事在錄尚書事之下是必魏晉之間先有是官聰承而置之也注又見前會工外翻

昱清虛寡欲尤善立言常以

劉惔王濛及潁川韓伯爲談客

惔徒甘翻

又辟郝超爲撫軍

掾謝萬爲從事中郎超鑒之孫也

郝鑒南渡初名臣掾以綃翻

少卓

犖不羈

少詩照翻犖呂角翻卓犖不羈卓高也犖有力也言其氣韻甚高且有才力譬之馬駒逸羣不

可得而

父愔簡默冲退而嗇於財積錢至數千萬

惜於今翻

嘗開庫任超所取超散施親故一日都盡

史言超才具足以用世

晉朝不能用惜其爲桓溫用也施式鼓翻

萬安之弟也清曠秀邁亦有時名

燕有黑龍白龍見于龍山

龍山在龍城之東見賢徧翻

交首遊戲

解角而去燕王銑親祀以太牢赦其境內命所居新宮

曰和龍

都亭肅侯庾翼疽發于背

謚法剛克爲伐曰肅執心決斷曰肅

疽干余翻

表子爰之行輔國將軍荊州刺史委以後任司馬

義陽朱燾爲南蠻校尉以千人守巴陵秋七月庚子卒

翼部將于瓚等作亂

于姓也左傳宋有于犇瓚藏旱翻

殺冠軍將軍曹

據

冠古玩翻

朱燾與安西長史江彪

彪逋間翻

建武司馬毛穆之

庾翼以子方之爲建武將軍守襄陽以穆之爲司馬穆之即虎生也穆之字憲祖小字虎生名犯王靖后諱故

改行字後又以桓溫母諱憲乃更稱小將軍袁真共誅字按晉書后妃傳哀靖王皇后諱穆之

之彪統之子也 八月豫州刺史路永叛奔趙趙王虎

使永屯壽春

路永蘇峻降將也

庾翼旣卒朝議皆以諸庾世

在西藩人情所安宜依翼所請以庾爰之代其任何充

曰荆楚國之西門戶口百萬北帶彊胡西鄰勁蜀地勢

險阻周旋萬里得人則中原可定失人則社稷可憂陸

抗所謂存則吳存亡則吳亡者也

陸抗垂沒之疏見八十卷武帝泰始十年

豈可以白面少年當之哉

少詩照翻

桓溫英略過人有文武

器幹西夏之任無出溫者

夏戶雅翻

議者又曰庾爰之肯避

溫乎如令阻兵耻懼不淺

言不能制爰之將爲國耻又有可懼者蓋以王敦蘇峻待

爰之也

充曰溫足以制之諸君勿憂丹陽尹劉惔每竒溫

才然知其有不臣之志謂會稽王昱曰溫不可使居形

勝之地其位號常宜抑之勸昱自鎮上流以已爲軍司

昱不聽又請自行亦不聽

劉惔談客耳其言桓溫無不中蓋深知溫之才者設使昱

鎮上流快爲司馬未足以敵燕秦揚子曰非苟知之亦尤蹈之非知之難行之爲難也惔徒甘翻

庚辰

以徐州刺史桓溫爲安西將軍持節都督荆司雍益梁

寧六州諸軍事領護南蠻校尉荊州刺史

爲桓溫專制晉朝張本雍

於用爰之果不敢爭又以劉惔監沔中諸軍事領義成

太守

監工街翻

代庖方之徙方之爰之于豫章桓溫嘗乘雪

欲獵先過劉惔惔見其裝束甚嚴謂之曰老賊欲持此

何爲溫笑曰我不爲此卿安得坐談乎

溫以此語荅惔盡之矣溫亦知

候之悉其才
故發是言

漢主勢之第大將軍廣以勢無子求爲

太弟勢不許馬當解思明諫曰陛下兄弟不多若復有

所廢

復扶又翻

將益孤危固請許之勢疑其與廣有謀收當

思明斬之夷其三族

儲君不可求使馬當解思明爲國計固當從容言之使其主自悟安

可固以爲請也相從而就死宜矣解戶買翻

遣太保李奕襲廣於涪城貶廣

爲臨邛侯廣自殺思明被收歎曰國之不亡以我數人

在也

涪音浮邛渠容翻被皮義翻

今其殆矣言笑自若而死思明有

智略敢諫諍馬當素得人心及其死士民無不哀之

冬十月燕王皝使慕容恪攻高句麗拔南蘇

南蘇城在南陝之東

唐平高麗置南蘇州

置戍而還

還從宣翻又如字

十二月張駿伐焉耆

降之

江翻戶

是歲駿分武威等十一郡爲涼州

駿分武威武興西平

張掖酒泉建康西郡湟河晉興須武安故合十一郡爲涼州

以世子重華爲刺史分

興晉等八郡爲河州

駿分興晉金城武始南安永晉大夏武成漢中八郡爲河州

以

寧戎校尉張瓘爲刺史分燉煌等三郡及西域都護三

營爲沙州

晉志惟載敦煌晉昌二郡西域都護張茂以校尉玉門大護軍三郡三營爲沙州而一郡

不見于史蓋缺文也燉徒門翻

以西胡校尉楊宣爲刺史駿自稱大都

督大將軍假涼王督攝三州始置祭酒郎中大夫舍人

謁者等官官號皆倣天朝

朝直遙翻下同

而微變其名車服旌

旗擬於王者

趙王虎以冠軍將軍姚弋仲爲持節十

郡六夷大都督冠軍大將軍

冠古玩翻

弋仲清儉鯁直不治

威儀言無畏避

虎之篡弋仲正色責之可以見其言無畏避矣治直之翻下同

虎甚重

之朝之大議每與參決公卿皆憚而下之

朝直遙翻下同

武

城左尉虎寵姬之弟也

東武城縣屬清河郡唐屬貝州弋仲營于廣川清河之漣頭

嘗入弋仲營侵擾其部衆弋仲執而數之曰爾爲禁尉

禁尉者言尉職所以禁
止姦非也數所具翻

迫脅小民我爲大臣目所親見

不可縱也命左右斬之尉叩頭流血左右固諫乃止

燕王皝以爲古者諸侯即位各稱元年于是始不用晉

年號自稱十二年

燕自是不復稟命于晉矣

趙王虎使征東將軍

鄧恒將兵數萬屯樂安治攻具爲取燕之計

恒戶燕王登翻

皝以慕容霸爲平狄將軍

平狄將軍始于漢光武以命龐萌

戍徒河恒

畏之不敢犯

二年春正月丙寅大赦

己卯都鄉文穆公何充卒充

有器局臨朝正色以社稷爲己任所選用皆以功效不

私親舊

初夫餘居于鹿山

夫餘在玄菟北千餘里鹿山蓋直其地杜佑曰夫餘

國有印文曰濊王之印國有故城名濊城蓋本濊貊之地其國在長城之北去玄菟千里南與高麗東與挹婁

西與鮮卑接

爲百濟所侵

東夷有三韓國一曰馬韓二曰辰韓三曰弁韓馬韓有五十四國百

濟其一也後漸强大兼諸小國其國本與句麗俱在遼東之東千餘里隋書曰百濟出自東明其後有仇台者始立其國漸以强盛初以百家濟海因號百濟杜佑曰百濟南接新羅北距高麗千餘里西限大海處小海之南部落衰散西徙近燕而不設備

近其新翻

燕王皝遣世子

儁帥慕容軍慕容恪慕容興根三將軍萬七千騎襲夫餘

帥讀日率 僞居中指授軍事皆以任恪遂拔夫餘虜其王玄

及部落五萬餘口而還旆以玄爲鎮軍將軍妻以女

子妻

細翻 二月癸丑以左光祿大夫蔡謨領司徒與會稽王

昱同輔政 褚裒薦前光祿大夫顧和前司徒左長史

殷浩三月丙子以和爲尚書令浩爲建武將軍揚州刺

史和有母喪固辭不起謂所親曰古人有釋衰經從王

事者

衰倉回翻

以其才足幹時故也如和者止足以虧孝道

傷風俗耳識者美之浩亦固辭會稽王昱與浩書曰屬

當厄運

屬之欲翻

危弊理極足下沈識淹長

沈持林翻

足以經濟

若復深存挹退

復扶又翻

苟遂本懷吾恐天下之事於此去

矣足下去就即時之廢興則家國不異

言國興則家亦與之俱興國廢

則家亦與之俱廢也

足下宜深思之浩乃就職

夏四月己酉朔

日有食之

五月丙戌西平忠成公張駿薨官屬上世

子重華爲使持節大都督太尉護羌校尉涼州牧西平

公假涼王

上時掌翻

赦其境內尊嫡母嚴氏爲太王太后母

馬氏爲王太后

趙中黃門嚴生惡尚書朱軌

惡烏路翻

會

父雨生諧軌不修道路又謫訕朝政

朝直遙翻下同

趙王虎囚

之蒲洪諫曰陛下既有襄國鄴宮又修長安洛陽宮殿

將以何用作獵車千乘環數千里以養禽獸

環音宦

奪人

妻女十餘萬口以實後宮

事並見上年

聖帝明王之所爲固

若是乎今又以道路不修欲殺尚書陛下德政不修天

降淫雨七旬乃霽霽方二日雖有鬼兵百萬亦未能去

道路之塗潦

去羗呂翻

而況人乎政刑如此其如四海何其

如後代何

言天下後世必將貶議其失也

願止作徒罷苑囿出宮女赦

朱軌以副衆望虎雖不悅亦不之罪爲之罷長安洛陽

作役

爲于偽翻

而竟誅朱軌又立私論朝政之法聽吏告其

君奴告其主公卿以下朝覲以目相顧不敢復相過從

談語

復扶又翻過古禾翻經過也石虎之法雖周厲王之監誚秦始皇之禁羈語不如是之甚也

趙將軍王擢擊張重華襲武街執護軍曹權胡宣

張駿置五

屯護軍武街其一也在隴西水經注曰狄道縣西南有武街城晉志惠帝分隴西立狄道郡又立武街縣屬焉

徙七千餘戶于雍州

雍於用翻

涼州刺史麻秋

趙使麻秋攻涼州故授以

史將軍孫伏都攻金城太守張冲請降涼州震恐重華

悉發境內兵使征南將軍裴恒將之以禦趙恒僻於廣

武

張寔分金城之令居枝陽二縣又立永登縣合三縣立廣武郡水經注廣武城在枝陽縣西五代志武威

郡允吾縣後魏置曰廣武劉昫曰唐蘭州廣武縣漢枝陽縣地恒戶登翻久而不戰涼州司

馬張耽言於重華曰國之存亡在兵兵之勝敗在將今

議者舉將多推宿舊

將息亮翻

夫韓信之舉非舊德也

舉韓信事

見九卷漢高帝元年蓋明主之舉舉無常人才之所堪則授以大

事今彊寇在境諸將不進人情危懼主簿謝艾兼資文

武可用以禦趙重華召艾問以方畧艾願請兵七千人

必破趙以報重華拜艾中堅將軍給步騎五千使擊秋

艾引兵出振武夜有二梟鳴于牙中艾曰六博得梟者

勝爾雅翼博之采有梟博兼行惡道故以梟爲采今梟鳴牙中克敵之兆也進

與趙戰大破之斬首五千級重華封艾爲福祿伯福祿

漢以來屬酒泉郡宋白曰肅州福祿縣周隋爲樂涇縣武德改爲福祿取漢舊名也麻秋之克金

城也縣令敦煌車濟不降伏劒而死縣令謂金城縣令也敦煌徒門翻秋

又攻大夏大夏縣漢屬隴西郡張軌分屬晉興郡後又分置大夏郡水經注大夏縣故城在枹罕縣

西南北臨洮水劉昫曰河州大夏縣漢古縣也取縣西大夏水以名之護軍梁式執太守

宋晏以城應秋秋遣晏以書誘致宛成都尉敦煌宋矩

誘音酉敦徒門翻

矩曰爲人臣功旣不成唯有死節耳先殺妻

子而後自刎

刎扶粉翻

秋曰皆義士也收而葬之冬漢太

保李奔自晉壽舉兵反蜀人多從之衆至數萬漢主勢

登城拒戰

時奔兵進逼成都

奕單騎突門門者射而殺之

騎奇寄翻

射而亦翻

其衆皆潰勢大赦境內改元嘉寧勢驕淫不恤國

事多居禁中罕接公卿疎忌舊臣信任左右讒諂並進

刑罰苛濫由是中外離心蜀土先無獠

獠魯皓翻西南夷名北史曰獠

蓋南蠻之別種邛笮川洞之間散居山谷種類甚多畧無氏族之別又無名字所生男女唯以長幼次第呼之其丈夫稱阿暮阿段婦人阿夷阿等之類皆語之次第稱謂也至是始從山出自巴西

至捷爲梓潼

捷居言翻

布滿山谷十餘萬落不可禁制大爲

民患加以饑饉四境之內遂至蕭條安西將軍桓溫

將伐漢將佐皆以爲不可江夏相袁喬勸之曰夫經略

大事固非常情所及智者了於胸中不必待衆言皆合

也今爲天下之患者胡蜀二寇而已蜀雖險固比胡爲

弱將欲除之宜先其易者

易以鼓翻

李勢無道臣民不附且

恃其險遠不修戰備宜以精卒萬人輕齎疾趨比其覺

之

比必寐翻

我已出其險要

已出其險要謂已踰險而出平地也

可一戰擒也

蜀地富饒戶口繁庶諸葛武侯用之抗衡中夏

諸葛亮謚忠武

武侯雅翻

若得而有之國家之大利也論者恐大軍旣西

胡必覬覦此似是而非胡聞我萬里遠征以爲內有重

備必不敢動縱有侵軼

軼直結翻又音逸杜預曰軼突也

緣江諸軍足

以拒守必無憂也溫從之喬環之子也

袁環見九十五卷成帝咸康三

年環工回翻

十一月辛未溫帥益州刺史周撫南郡太守譙

王無忌伐漢

帥讀曰率下同

拜表即行委安西長史范汪以留

事加撫都督梁州之四郡諸軍事

梁州四郡涪陵巴東巴西巴郡也

使

袁喬帥二千人爲前鋒朝廷以蜀道險遠溫衆少而深

入

少詩沼翻

皆以爲憂惟劉惔以爲必克或問其故惔曰以

博知之溫善博者也不必得則不爲但恐克蜀之後溫

終專制朝廷耳

三年春二月桓溫軍至青衣

青衣縣漢屬蜀郡後漢順帝陽嘉二年更名漢嘉蜀

立爲漢嘉郡劉昫曰眉州青神縣臨青衣江西魏置青衣縣青衣水出廬山徼外東北流至武陽而合于江杜

佑曰嘉州故夜郎國漢武開置提爲郡治龍
游縣漢之青衣道也在大江青衣二水之會漢主勢大

發兵遣叔父右衛將軍福從兄鎮南將軍權前將軍咎

堅等將之自山陽趣合水

山陽之地蓋在岷江之北峨
眉山之陽水經注江水東南

過捷爲武陽縣青衣水沫水從西南來合注之所謂合
水當是此地從才用翻咎子感翻將即亮翻趣七喻翻

諸將欲設伏於江南以待晉兵咎堅不從引兵自江北

鴛鴦碕渡向捷爲

碕渠宜翻曲岸也捷爲唐嘉
州捷爲縣即其地在州東南

三月溫

至彭模

彭模即漢捷爲郡武陽縣之彭亡聚也岑彭死
處水經注江水自武陽東至彭亡聚謂之平模

水亦曰外水平模去成都
二百里在今眉州彭山縣議者欲分爲兩軍異道俱進

以分漢兵之勢袁喬曰今懸軍深入萬里之外勝則大

功可立不勝則隳類無遺

隳才肖翻

當合勢齊力以取一戰

之捷若分兩軍則衆心不一萬一偏敗

偏敗謂兩道並進或一軍爲蜀

敗所大事去矣不如全軍而進棄去釜甑齎三日糧以示

無還心勝可必也溫從之留參軍孫盛周楚將羸兵守

輜重

將即亮翻下同重直用翻

溫自將步卒直指成都楚撫之子也

李福進攻彭模孫盛等奮擊走之溫進過李權三戰三

捷漢兵散走歸成都鎮軍將軍李位都迎詣溫降

降戶江翻

同下皆堅至捷爲

捷居言翻

乃知與溫異道還自沙頭津濟比

至

比必寐翻

溫已軍於成都之十里陌堅衆自潰勢悉衆出

戰于成都之笮橋

水經注萬里橋西上曰夷橋亦曰笮橋笮疾各翻

溫前鋒不

利叅軍龔護戰歿矢及溫馬首衆懼欲退而鼓吏誤鳴

進鼓

雷鼓以進衆曰進鼓

袁喬拔劔督士卒力戰遂大破之溫乘

勝長驅至成都縱火燒其城門漢人惶惶無復鬪志

復扶

又勢夜開東門走至葭萌

葭音家

使散騎常侍王幼送降

文於溫

散悉亶翻騎奇寄翻

自稱略陽李勢叩頭死罪

李氏其先自巴西遷

陽畧尋輿櫬面縛詣軍門溫解縛焚櫬送勢及宗室十餘

人於建康

櫬初觀翻

引漢司空譙獻之等以爲參佐舉賢旌

善蜀人悅之

日南太守夏侯覽貪縱侵刻胡商又科

調船材

夏戶雅翻調徒弔翻

云欲有所討由是諸國恚憤

恚於避翻

林

邑王文攻陷日南將士死者五六千

將即亮翻

殺覽以尸祭

天檄交州刺史朱蕃請以郡北橫山爲界

今邕州南界有橫山其山

橫截江河我朝置橫山寨及買馬場按劉昫舊唐志漢武帝開百越於交趾郡南三千里置日南郡治于朱吾林邑即漢日南郡之象林縣在郡南界四百里後漢時中原喪亂象林縣人區連殺縣令自稱林邑王遂爲林

邑國邕州渡海乃至交趾交趾三千里乃至日南文旣去南北橫山自在日南郡北界非今邕州之橫山

蕃使督護劉雄戍日南漢故尚書僕射王誓鎮東將

軍鄧定平南將軍王潤將軍隗文等皆舉兵反

隗五衆

各萬餘桓溫自擊定使袁喬擊文皆破之溫命益州刺

史周撫鎮彭模斬王誓王潤溫留成都三十日振旅還

江陵

傳曰入而振旅杜預注振整也旅衆也

李勢至建康封歸義侯夏四

月丁巳鄧定隗文等入據成都征虜將軍楊謙棄涪城

退保德陽

涪音浮

趙涼州刺史麻秋攻枹罕晉昌太守郎

坦以城大難守

惠帝分敦煌酒泉爲晉昌郡枹罕縣前漢屬金城郡後漢屬隴西郡張軌分屬

晉興郡水經注晉昌川在湟中浩疊縣西南劉昫曰欲晉昌郡漢寘安縣地唐爲晉昌縣瓜州治所枹音膚

棄外城武成太守張悛曰

武成郡亦張氏置悛丑緣翻又七倫翻

棄外城

則動衆心大事去矣寧戎校尉張璩從悛言固守大城

寧戎校尉亦張氏所置郎坦張悛蓋以各郡太守從張璩守枹罕璩求於翻

秋帥衆八萬圍

湼數重

帥讀曰率下同重直龍翻湼七艷翻

雲梯地突百道皆進

地突者爲地道

突出於城中

城中禦之秋衆必傷數萬趙王虎復遣其將劉

渾等帥步騎二萬會之

復扶又翻將即亮翻下除將軍外並同

郎坦恨言

不用教軍士李嘉潛引趙兵千餘人登城壕督諸將力

戰殺二百餘人趙兵乃退壕燒其攻具秋退保大夏

夏戶

雅翻虎以中書監石寧爲征西將軍帥并司州兵二萬餘

人爲秋等後繼張重華將宋秦等帥戶二萬降于趙

降戶

江翻重華以謝艾爲使持節軍師將軍使疏帥步騎三萬

進軍臨河艾乘輅車戴白帽輅音遙帽古洽翻鳴鼓而行秋望

見怒曰艾年少書生冠服如此輕我也命黑稍龍驤三

千人馳擊之稍音朔驤思將翻艾左右大擾或勸艾空乘馬艾

不從下車踞胡床

胡床蓋今交椅之類孔穎達曰今之交牀制本自虜來隋以識有胡改名

交牀指麾處分

處昌呂翻分扶問翻

趙人以爲有伏兵懼不敢進別

將張瑁自問道引兵截趙軍後

瑁莫報翻間古莧翻

趙軍退艾乘

勢進擊大破之斬其將杜勲汲魚獲虜首萬三千級秋

單馬奔大夏五月秋與石寧復帥衆十二萬進屯河南

復扶又翻

劉寧王擢畧地晉興廣武武街

張軌分西平界置晉興郡

至于

曲柳

曲柳地名在洪池嶺北

張重華使將軍牛旋拒之退守枹罕

姑臧大震重華欲親出拒之謝艾固諫索遐曰

索昔各翻

君

者一國之鎮不可輕動乃以艾爲使持節都督征討諸

軍事行衛將軍退爲軍正將軍

古有軍正黃帝法曰正無屬將軍將軍有罪以

間蓋軍中執法者也張氏遂以爲將軍之號

帥步騎二萬拒之別將楊康敗

劉寧于沙阜

敗補邁翻

寧退屯金城

六月辛酉大赦

秋

七月林邑復陷日南

復扶又翻下同

殺督護劉雄

隗文鄧定

等立故國師范長生之子貢爲帝而奉之

李雄以范長生爲國師

以妖異惑衆蜀人多歸之

妖於驕翻

趙王虎復遣征西將

軍孫伏都將軍劉渾帥步騎二萬會麻秋軍長驅濟河

擊張重華遂城長最

長最地名在金城河北
曰晉春秋作上最今從重華傳

考異謝

艾建牙誓衆有風吹旌旗東南指索遐曰風爲號令今

旌旗指敵天所贊也

風雲氣候雜占曰風不旁勃旌旗
暈暈隨風而揚舉或向敵終日軍

行有功
勝候也

艾軍于神鳥王擢與艾前鋒戰敗走還河南八

月戊午艾進擊秋大破之秋遁歸金城虎聞之歎曰吾

以偏師定九州今以九州之力困於抱罕彼有人焉未

可圖也艾還討叛虜斯骨真等萬餘落皆破平之趙

王虎據十州之地

幽并冀司豫兗
青徐雍秦十州

聚斂金帛

斂力
贍餉

及外

國所獻珍異府庫財物不可勝紀

勝音升

猶自以爲不足

悉發前代陵墓取其金寶沙門吳進言於虎曰

袁宏漢記曰沙

門漢言息也蓋息欲以歸於無爲也

胡運將衰晉當復興宜苦役晉人以

厭其氣

厭一兼翻厭勝也

虎使尚書張羣發近郡男女十六萬

人車十萬乘運土築華林苑及長牆于鄴北廣袤數十

里

乘繩證翻華如字表音茂

申鍾石璞趙攬等上疏陳天文錯亂百

姓彫弊虎大怒曰使苑牆朝成吾夕沒無恨矣促張羣

使然燭夜作暴風大雨死者數萬人郡國前後送蒼麟

十六白鹿七虎命司虞張曷柱調之以駕芝蓋

晉職官志太僕

之屬有典虞都尉趙之司虞即是官也張曷柱人姓名芝蓋者蓋爲瑞芝之形

大朝會列於殿

庭

朝直達翻

九月命太子宣出祈福于山川因行遊獵宣乘

大輅羽葆華蓋建天子旌旗十有六軍戎卒十八萬出

自金門

水經注鄴城有七門南曰鳳陽門中曰中陽門次曰廣陽門東曰建春門北曰廣德門次

曰廣門西曰西明門蓋即金門門也

虎從其後宮升陵霄觀望之

觀古笑玩翻

曰我家父子如此自非天崩地陷當復何愁但抱子弄

孫日爲樂耳

復扶又翻樂音洛

宣所舍輒列人爲長圍四面各

百里驅禽獸至暮皆集其所使文武皆跪立重行圍守

重直龍翻
行戶剛翻

炬火如晝命勁騎百餘馳射其中宣與姬妾

乘輦臨觀獸盡而止或獸有迸逸

孟翻

當圍守者有爵

則奪馬步驅一日無爵則鞭之一百士卒飢凍死者萬

有餘人所過三州十五郡資儲皆無孑遺

以下韜所出
徵之宣所過

三州蓋司
充豫也

虎復命韜繼出自并州至于秦雍亦如之

復扶

又翻雍
於用翻

宣怒其與已鈞敵愈嫉之宦者趙生得幸于宣

無寵於韜微勸宣除之於是始有殺韜之謀矣趙麻

秋又襲張重華將張瑁敗之

據載記瑁時屯河陝敗補邁翻

斬首三千

餘級抱罕護軍李達帥衆七千降于趙自河以南氐羌

皆附於趙

趙強涼弱涼戰雖數勝人心隨強弱而爲向背况復有張瑁之敗乎帥讀曰率降戶江翻

冬十月乙丑遣侍御史俞歸至涼州授張重華侍中

大都督督隴右關中諸軍事大將軍涼州刺史西平公

歸至姑臧重華欲稱涼王未肯受詔使所親沈猛私謂

歸曰主公奕世爲晉忠臣

奕世累葉也

今曾不如鮮卑何也

朝廷封慕容皝爲燕王而主公纔爲大將軍何以褒勸

忠賢乎明臺宜移河右其勸州主爲涼王

歸爲侍御史以將命故謂

之明臺移謂移文

人臣出使苟利社稷專之可也

使疏吏翻

歸曰吾

子失言

古者列國之大夫率相謂曰吾子儀禮注曰子者男子之美稱言吾子相親之辭

昔三

代之王也爵之貴者莫若上公

三代封建列爵五等曰公侯伯子男上公九命

伯作及周之衰吳楚始僭號稱王而諸侯不之非蓋以蠻

夷畜之也借使齊魯稱王諸侯豈不四面攻之乎漢高

祖封韓彭爲王尋皆誅滅蓋權時之宜非厚之也聖上

以貴公忠賢故爵以上公任以方伯寵榮極矣豈鮮卑

夷狄所可比哉且吾聞之功有大小賞有重輕今貴公

始繼世而爲王

言重華始繼父位未有功于晉而求爲王也

若帥河右之衆

帥讀曰率

東平胡羯修復陵廟迎天子返洛陽將何以加之

乎重華乃止武都氏王楊初遣使來稱藩詔以初爲

使持節征南將軍雍州刺史仇池公

使疏吏翻雍於用翻

十二

月振威護軍蕭敬文殺征虜將軍楊謙攻涪城陷之自

稱益州牧遂取巴西通于漢中

振威護軍晉官也蕭敬文以晉新并蜀又有范

賁之亂故亦乘之而反涪音浮


欽定四庫全書



寶治通鑑
卷九十七



資治通鑑卷九十七



總校官庶吉士臣侍朝

校對官檢討臣王坦修

謄錄監生臣張泰

欽定四庫全書薈要

史部

資治通鑑卷九十八

九



詳校官編修臣汪鏞

欽定四庫全書薈要卷七千八十四

史部

資治通鑑卷九十八

宋 司馬光 撰

胡三省 音註



晉紀二十

起著雍涖灘盡上
章閏茂凡三年

孝宗穆皇帝上之下

永和四年夏四月林邑寇九真

既再破日南故進寇
九真九真郡唐愛州殺

士民什八九 趙秦公韜有寵於趙王虎欲立之以太

子宣長

長知
兩翻

猶豫未決宣嘗忤旨

忤五
故翻

虎怒曰悔不立

韜也韜由是益驕造堂於太尉府號曰宣光殿梁長九

丈

長直亮翻

宣見之大怒斬匠截梁而去

以犯其名也

韜怒增之

至十丈宣聞之謂所幸楊杯牟成趙生曰凶豎傲悞敢

爾

悞弼力翻

汝能殺之吾入西宮

虎居西宮

當盡以韜之國邑分

封汝等韜死主上必臨喪吾因行大事蔑不濟矣

左傳潘崇

謂楚商臣曰能行大事乎杜預注曰大事謂弑君

杯等許諾秋八月韜夜與僚

屬宴於東明觀

水經注石氏立東明觀於鄴東城上

因宿於佛精舍

佛精舍佛

寺也僧徒專精修行之地故謂之精舍事物紀原曰漢明帝於東都門外立精舍以處攝摩騰竺法蘭

宣

使楊杯等緣獼猴梯而入

梯小而長人如獼猴攀緣而上故曰獼猴梯

殺韜

置其刀箭而去旦日宣奏之虎哀驚氣絕久之方蘇將

出臨其喪司空李農諫曰害秦公者未知何人賊在京

師鑾輿不宜輕出虎乃止嚴兵發哀於太武殿宣往臨

韜喪不哭直言呵呵

呵虎何翻呵呵笑聲

使舉衾觀尸大笑而去

大被衾收大將軍記室參軍鄭靖尹武等將委之以罪虎

疑宣殺韜欲召之恐其不入乃詐言其母杜后哀過危

懼

懼陟劣翻類篇丑例翻困方也言其氣息懼然僅相屬也

宣不謂見疑入朝中宮

因留之

朝直達翻

建興人史料知其謀告之

魏土地記曰建興郡治陽阿縣

陽阿縣漢屬上黨郡魏收志曰慕容永分上黨置建興郡則其地非石趙所置建興郡也水經注曰田融言趙

立建興郡於廣宗城內斯其是矣

虎使收楊杯牟成皆亡去獲趙生詰

之具服

詰去吉翻

虎悲怒彌甚囚宣於席庫

席庫藏席之所

以鐵環

穿其頤而鑱之取殺韜刀箭舐其血哀號震動宮殿

鑱蘓

果翻舐直氏翻號戶高翻

佛圖澄曰宣韜皆陛下之子今為韜殺宣

是重禍也

偽為于翻

陛下若加慈恕福祚猶長若必誅之宣

當為彗星下掃鄴宮

彗祥歲翻又旋芾翻又徐醉翻

虎不從積柴於鄴

北樹標其上標末置鹿盧穿之以繩

鹿盧即轆轤

倚梯柴積

送宣其下使韜所幸宦者郝稚劉霸拔其髮抽其舌牽

之登梯郝稚以繩貫其領鹿盧絞上

上時掌翻

劉霸斷其手

足

斷丁管翻

斫眼潰腸如韜之傷四面縱火煙炎際天

炎讀曰燄

虎從昭儀已下數千人登中臺以觀之

中臺者三臺之中臺即銅爵臺

也火滅取灰分置諸門交道中

交道午道也一縱一橫為午道

殺其妻

子九人宣少子纔數歲

少詩照翻

虎素愛之抱之而泣欲赦

之其大臣不聽就抱中取而殺之兒挽虎衣大叫至於

絕帶虎因此發病又廢其后杜氏為庶人誅其四率已

下三百人宦者五十人皆車裂節解奔之漳水

東宮有左右前

後四率率所律翻支解者解其四支節解者凡骨節節解之也

洿其東宮以養猪牛

洿汪手翻

東宮衛士十餘萬人皆謫戍涼州

趙未得涼州置涼州於金城謫

使戍涼州之邊也為下高力叛張本

先是趙攬言於虎曰宮中將有變宜

備之及宣殺韜虎疑其知而不告亦誅之

史言趙攬談天於猜暴之

朝以自禍先悉薦翻

朝廷論平蜀之功欲以豫章郡封桓溫尚

書左丞荀斐曰溫若復平河洛

復扶又翻

將何以賞之乃加

溫征西大將軍開府儀同三司封臨賀郡公加譙王無

忌前將軍袁喬龍驤將軍封湘西伯

驤思將翻

韃崧之子也

荀崧荀藩之弟永嘉之禍相與建行臺於密建興之初又嘗鎮宛

溫既滅蜀威名大振

朝廷憚之會稽王昱以揚州刺史殷浩有盛名朝野推

服引為心膂與參綜朝權欲以抗溫由是與溫寢相疑

貳

為溫廢浩膂制朝廷張本朝直遙翻會工外翻

浩以征北長史荀羨前江州

刺史王羲之夙有令名擢羨為吳國內史

江左郡國以吳為甲

義

之為護軍將軍以為羽翼羨韃之弟羲之導之從子也

從才用翻義之以為內外協和然後國家可安勸浩不宜與

溫構隙浩不從燕王皝有疾召世子雋屬之曰屬之欲翻

今中原未平方資賢傑以經世務恪知勇兼濟才堪任

重汝其委之以成吾志又曰陽士秋士行高潔忠幹貞

固陽騫字士秋行下孟翻可託大事汝善待之九月丙申薨年五十二

趙王虎議立太子太尉張舉曰燕公斌有武畧斌音彬

彭城公遵有文德惟陛下所擇虎曰卿言正起吾意戎

昭將軍張豺曰載記曰虎置左右戎昭曜武將軍位在左右衛上燕公母賤又

嘗有過

謂欲殺張賀度也事見九十六卷成帝咸康六年

彭城公母前以太子

事廢

遵與邃同母鄭氏廢見九十五卷咸康三年

今立之臣恐不能無微恨

陛下宜審思之初虎之拔上邽也

見九十四卷成帝咸和四年

張豺

獲前趙主曜幼女安定公主有殊色納於虎虎嬖之

嬖

義翻又博計翻

生齊公世豺以虎老病欲立世為嗣冀劉氏為

太后已得輔政乃說虎曰陛下再立太子其母皆出於

倡賤

說輸芮翻倡音昌

故禍亂相尋今宜擇母貴子孝者立之

虎曰卿勿言吾知太子處矣虎再與羣臣議於東堂虎

曰吾欲以純灰三斛自滌其腸何為專生惡子年踰二

十輒欲殺父今世方十歲比其二十吾已老矣

比必寐翻

乃

與張舉李農定議令公卿上書請立世為太子大司農

曹莫不肯署名虎使張豺問其故莫頓首曰天下重器

不宜立少

少詩照翻

故不敢署虎曰莫忠臣也然未達朕意

張舉李農知朕意矣可令諭之遂立世為太子以劉昭

儀為后

虎父子相殘廢長立少天將假手於冉閔以夷其種類也

冬十一月甲辰

葬燕文明王

鮑謚曰文明

世子雋即位

雋字宣英鮑之第二子

赦境內

遣使詣建康告喪

使疏吏翻

以弟交為左賢王左長史陽鶩

為郎中令

十二月以左光祿大夫領司徒錄尚書事

蔡謨為侍中司徒謨上疏固讓謂所親曰我若為司徒

將為後代所哂

哂夫忍翻

義不敢拜也

五年春正月辛未朔大赦趙王虎即皇帝位

虎以成帝咸康

三年即天王位今即皇帝位

大赦改元太寧諸子皆進爵為王故東

宮高力等萬餘人謫戍涼州

石宣簡多力之士以衛東宮號曰高力置督將以領

之行達雍城

扶風雍縣城也雍於用翻下同

既不在赦例又敕雍州刺

史張茂送之茂皆奪其馬使之步推鹿車致糧戍所吐

雷翻風俗通曰鹿車窄小裁容一鹿

高力督定陽梁犢

定陽縣漢屬上郡晉省後魏太安中

置定陽郡唐為延州臨真縣

因衆心之怨謀作亂東歸衆聞之皆踊

抃大呼

踊跳躍也抃拊手也呼火故翻

犢乃自稱晉征東大將軍帥衆

攻拔下辨

辨步覓翻

安西將軍劉寧自安定擊之為犢所敗

敗補邁翻

高力皆多力善射一當十餘人雖無兵甲掠民斧

施一丈柯攻戰若神

柯斧柄也

所向崩潰戍卒皆隨之攻陷

郡縣殺長吏二千石

長知兩翻

長驅而東北至長安

比必寐翻

衆

已十萬樂平王苞盡銳拒之一戰而敗犢遂東出潼關

進趣洛陽

趣七喻翻

趙主虎以李農為大都督行大將軍事

統衛軍將軍張賀度等步騎十萬討之戰于新安

新安縣漢

屬弘農郡自晉以後屬河南郡騎奇寄翻下同

農等大敗戰于洛陽又敗退壁

成臯犢遂東掠滎陽陳留諸郡

武帝泰始二年分河南置滎陽郡

虎大

懼以燕王斌為大都督督中外諸軍事統冠軍大將軍

姚弋仲車騎將軍蒲洪等討之

斌音彬冠古玩翻

弋仲將其衆

八千餘人至鄴

自潞頭至鄴將即亮翻

求見虎虎病未之見引入

領軍省

領軍省領軍將軍視事之所

賜以已所御食弋仲怒不食曰

主上召我來擊賊當面見授方略我豈為食來邪

為于偽翻

下羌為同

且主上不見我我何以知其存亡邪虎力疾見之

弋仲讓虎曰兒死愁邪何為而病兒幼時不擇善人教

之使至於為逆既為逆而誅之又何愁焉且汝久病所

立兒幼

謂太子世也

汝若不愈天下必亂當先憂此勿憂賊

也犢等窮困思歸相聚為盜所過殘暴何所能至老羌

為汝一舉了之

了決也

弋仲性狷直人無貴賤皆汝之虎

亦不之責

獨吉掾翻以石虎之猜暴而能容姚弋仲之獨直者以其當理而切於事情也苟徒獨直

而不切當殆

難以免矣

於坐授使持節征西大將軍賜以鎧馬

卧翻使疏吏

翻鎧可亥翻弋仲曰汝看老羌堪破賊否乃被鎧跨馬

于庭中

被皮義翻

因策馬南馳不辭而出遂與斌等擊犢於

滎陽大破之斬犢首而還討其餘黨盡滅之虎命弋仲

劔履上殿入朝不趨

上時掌翻

進封西平郡公蒲洪為車騎

大將軍開府儀同三司都督雍秦州諸軍事雍州刺史

雍於用翻進封略陽郡公

始平人馬勗聚兵自稱將軍

杜佑

曰漢平陵晉改為趙樂平王苞討滅之誅三千餘家
始平有馬嵬故城

夏四月益州刺史周撫龍驤將軍朱燾擊范賁斬之益

州平

范賁亂始上卷
三年驤始將翻

詔遣謁者陳沈如燕

沈持
林翻

拜慕

容雋為使持節侍中大都督督河北諸軍事幽平二州

牧

使疏吏翻
幽冀并平四州牧今從帝記

考異曰雋載記云

大將軍大單于燕王

單音
蟬

桓溫遣督護滕駿帥交廣之兵擊林邑王文於

盧容

駿祖峻翻盧容縣自漢以來屬日南
郡有盧容浦去郡二百里帥讀曰率

為文所敗

補

邁退屯九真 乙卯趙王虎病甚以彭城王遵為大將
翻

軍鎮關右燕王斌為丞相錄尚書事張豺為鎮衛大將

軍領軍將軍吏部尚書

劉聰置十六大將軍鎮衛其一也石虎置鎮衛將軍在車騎將

軍上今以張豺為鎮衛大將軍崇其號也領軍將軍則掌兵柄吏部尚書則典選事是文武二柄悉以付豺

並受遺詔輔政劉后惡斌輔政恐不利於太子與張豺

謀去之

惡烏路翻去羌呂翻

斌時在襄國遣使詐謂斌曰主上疾

已漸愈王須獵者可少停也斌素好獵嗜酒

少詩沼翻好呼到翻

遂留獵且縱酒劉氏與豺因矯詔稱斌無忠孝之心免

官歸第使豺弟雄帥龍騰五百人守之

此石虎幽石宏之故智也張豺

踵而用之非虎教之邪石斌亦庸人耳君父疾篤徵之受遺輔政就使虎疾少愈亦當夜衣而行乃酣酒縱獵其無智識如此就使得權諸弟亦將終其臂而奪之張舉謂有武略妄矣乙丑導自幽州至

鄴敕朝堂受拜

朝直遙翻

配禁兵三萬遣之遵涕泣而去是

日虎疾小瘳問遵至未左右對曰去已久矣虎曰恨不

見之虎臨西閣

太武殿之西閣也

龍騰中郎二百餘人列拜於

前虎問何求皆曰聖體不安宜令燕王入宿衛典兵馬或言乞以為皇太子虎曰燕王不在內邪召以來左右言王酒病不能入虎曰促持輦迎之當付璽綬亦竟無

行者

左右皆為劉后母子故竟無行者

壘斯氏翻

殺音受

尋惛眩而入

惛迷忘也眩目視亂

也

張豺使張雄矯詔殺斌

殺斌欲以一衆心豈知已有從吏石遵入立者

戊辰

劉氏復矯詔以豺為太保都督中外諸軍錄尚書事如

霍光故事

復扶又翻

侍中徐統歎曰亂將作矣吾無為預之

仰藥而死已已虎卒太子世即位尊劉氏為皇太后劉

氏臨朝稱制

朝直遙翻

以張豺為丞相豺辭不受請以彭城

王遵義陽王鑒為左右丞相以慰其心劉氏從之豺與

太尉張舉謀誅司空李農舉素與農善密告之農奔廣

宗帥乞活數萬家保上白

乞活李暉田穰之餘衆也自永嘉以來乞聚於上白帥讀

曰劉氏使張舉統宿衛諸軍圍之豺以張離為鎮軍大

將軍監中外諸軍事以為已副

監工衛

彭城王遵至河內

聞喪姚弋仲蒲洪劉寧及征虜將軍石閔武衛將軍王

鸞等討梁續還遇遵於李城

續漢志河內平輿縣有李城史記即鄭李同却秦兵

趙封其父李

共說道曰殿下長且賢先帝亦有意以殿

下為嗣

謂虎欲從張舉之言也說翰尚餘長知兩劍

正以末年惛惑為張豺

所誤今女主臨朝奸臣用事上白相持未下京師宿衛

空虛殿下若聲張豺之罪鼓行而討之其誰不開門倒

戈而迎殿下者遵從之遵自李城舉兵還趣鄴

趣七喻翻

洛

州刺史劉國帥洛陽之衆往會之檄至鄴張豺大懼馳

召上白之軍丙戌遵軍于蕩陰

蕩音湯

戎卒九萬石閔為

前鋒者雋羯士皆曰彭城王來奔喪吾當出迎之不能

為張豺守城也

方言曰耆長也說文曰老也左傳注曰強也禮記音義曰至也言至老境也羯

士石氏之種類也為于偽翻

踰城而出豺斬之不能止張離亦帥龍

騰二千斬關迎遵劉氏懼召張豺入對之悲哭曰先帝

梓宮未殯而禍難至此

難乃旦翻

今嗣子冲幼託之將軍將

軍將若之何欲加尊重位能弭之乎豺惶怖不知所出

怖晉布翻

但云唯唯

唯于癸翻

乃下詔以遵為丞相領大司馬大

都督督中外諸軍錄尚書事加黃鉞九錫己丑遵至安

陽亭

安陽縣屬魏郡此蓋安陽縣都亭也

張豺懼而出迎遵命執之庚寅

遵擐甲曜兵入自鳳陽門升太武前殿擗踊盡哀

擐音宦擗

毗亦翻拊心也踊跳也

退如東閣

太武殿之東閣也

斬張豺于平樂市

鄴都

有平樂市樂音洛

夷其三族假劉氏令曰嗣子幼冲先帝私恩

所授皇業至重非所克堪其以遵嗣位於是遵即位大

赦罷上白之圍辛卯封世為譙王

戴記曰世凡立三十三日

廢劉氏

為太妃

考異曰晉春秋及十六國春秋鈔皆云廢太后為昭儀今從戴記十六國春秋及戴記又云

世立三十三日按四月乙巳至五月庚寅凡二十一日

尋皆殺之李農來歸罪使

復其位尊母鄭氏為皇太后

鄭氏即遼母鄭后被廢見九十五卷成帝咸康三年

立妃張氏為皇后故燕王斌子衍為皇太子以義陽王

鑒為侍中太傅沛王冲為太保樂平公苞為大司馬汝

陰王琨為大將軍武興公閔為都督中外諸軍事輔國

大將軍

為石閔得兵柄
以夷胡羯張本

甲午鄴中暴風拔樹震雷雨雹

大如孟升

如孟及升也
雨于具翻

太武暉華殿災及諸門觀閣蕩

然無餘乘輿服御燒者大半

觀古玩翻
乘繩證翻

金石皆盡火月

餘乃滅時沛王冲鎮薊

冲蓋代遵鎮
薊薊音計

聞遵殺世自立謂

其僚佐曰世受先帝之命遵輒廢而殺之罪莫大焉其

敕內外戒嚴孤將親討之於是留寧北將軍沐堅戍幽

州

沐食律
翻姓也

帥衆五萬自薊南下傳檄燕趙所在雲集比

至常山

帥讀曰率
比必寐翻

衆十餘萬軍于苑鄉遇遵赦書冲曰

皆吾弟也死者不可復追何為復相殘乎

復扶又翻下同

吾將

歸矣

欲歸薊也

其將陳暹曰彭城篡弑自尊為罪大矣王雖

北旆臣將南轅俟平京師擒彭城然後奉迎大駕冲乃

復進遵馳遣王擢以書喻冲冲弗聽遵使武興公閔及

李農帥精卒十萬討之戰于平棘

平棘縣漢屬常山郡晉屬趙國唐為趙州

治冲兵大敗獲冲于元氏

元氏縣漢屬常山郡晉屬趙國閼駟曰趙公子元之封邑

故曰元氏唐元氏縣屬趙州劉昫曰元氏漢常山郡所治故城在今趙州元氏縣西南

賜死阮其

士卒三萬餘人武興公閔言於遵曰蒲洪人傑也今以

洪鎮關中臣恐秦雍之地非國家之有

雍於用翻

此雖先帝

臨終之命然陛下踐祚自宜改圖遵從之罷洪都督餘

如前制洪怒歸枋頭遣使來降

洪屯枋頭見九十五卷成帝咸和八年降戶江

翻

燕平狄將軍慕容霸上書於燕王雋曰石虎窮凶極

暴天之所弃餘燼僅存自相魚肉今中國倒懸企望仁

恤若大軍一振勢必投戈北平太守孫興亦表言石氏

大亂宜以時進取中原雋以新遭大喪弗許

以去年孰薨也

霸

馳詣龍城言於雋曰難得而易失者時也萬一石氏衰

而復興

易以鼓翻復扶又翻

或有英雄據其成資

謂中原或有英雄乘亂而取趙

據有其已成之資也

宣惟失此大利亦恐更為後患雋曰鄴中雖

亂鄧恒據安樂

以前參考安樂當作樂安

兵彊糧足今若伐趙東道

不可由也當由盧龍盧龍山徑險狹

水經注濡水東南逕盧龍塞塞道自

無終縣東出渡濡水向林蘭陁東至清陁盧龍之險峻阪縈折故有九埵之名

虜乘高斷要

丁斷

管翻

首尾為患將若之何霸曰恒雖欲為石氏拒守其將

士顧家人懷歸志若大軍臨之自然瓦解臣請為殿下

前驅東出徒河潛趨令支出其不意

為于偽翻趣七喻翻令音鈴又即定

期支音祁彼聞之勢必震駭上不過閉門自守下不免弃城

逃潰何暇禦我哉然則殿下可以安步而前無復留難

矣雋猶豫未決以問五材將軍封奕

燕置五材將軍蓋取宋子罕所謂天

生五材誰能去兵之義

對曰用兵之道敵彊則用智敵弱則用勢

是故以大吞小猶狼之食豚也以治易亂猶日之消雪

也大王自上世以來積德累仁兵彊士練石虎極其殘

暴死未瞑目

瞑莫定翻

子孫爭國上下乖亂中國之民墜於

塗炭延頸企踵以待振拔大王若揚兵南邁先取薊城

次指鄴都宣耀威德懷撫遺民彼孰不扶老提幼以迎

大王凶黨將望旗冰碎安能為害乎從事中郎黃泓曰

泓烏宏翻

今太白經天歲集畢北陰國受命此必然之驗也

漢書天文志太白經天天下革民更王孟康注曰謂出東入西出西入東也太白陰星出東當伏東出西當伏西過午為經天晉灼曰日陽也日出則星亡晝見午上為經天歲星所在國不可伐可以伐人昴畢間為天街其陰陰國歲集畢北明陰國當受命而王宜速出師以承天意折衝將軍慕

輿根曰中國之民困於石氏之亂咸思易主以救湯火

之急此千載一時不可失也

戴子亥翻

自武宣王以來

慕容鹿謚

武宣王 招賢養民務農訓兵正俟今日今時至不取更復

顧慮復扶又翻宣天意未欲使海內平定邪將大王不欲取

天下也雋笑而從之以慕容恪為輔國將軍慕容評為

輔弼將軍左長史陽騫為輔義將軍謂之三輔輔弼輔義二將

軍號亦一時創置慕容霸為前鋒都督建鋒將軍建鋒將軍亦創置也選

精兵二十餘萬講武戒嚴為進取之計考異曰燕景昭紀集兵在四

月時石虎方死諸子未爭十六國春秋在五月故從之而燕書載封奕慕輿根言俱指冉閔按是時閔未篡趙

蓋撰史者附會耳故削去 六月葬趙主虎於顯原陵廟號太祖

桓溫聞趙亂出屯安陸

安陸縣自漢以來屬江夏郡唐為安州治所溫自江陵出屯安

陸

遣諸將經營北方

將即亮翻

趙揚州刺史王浹舉壽春降

浹即協翻降

戶江翻下同

西中郎將陳遼進據壽春征北大將軍褚

裒上表請伐趙

褚裒時鎮宗口裒蒲侯翻

即日戒嚴直指泗口朝議

以裒事任貴重宜先遣偏帥

裒太后之父又當方面故云事任貴重

裒奏

言前已遣督護王頤之等徑造彭城

造七到翻

後遣督護麋

疑進據下邳

疑魚力翻

今宜速發以成聲勢秋七月加裒征

討大都督督徐兗青揚豫五州諸軍事裒帥衆三萬徑

赴彭城

帥讀曰率

北方士民降附者日以千計朝野皆以為

中原指期可復光祿大夫蔡謨獨謂所親曰敵滅誠為
大慶然恐更貽朝廷之憂其人曰何謂也謨曰夫能順
天乘時濟羣生於艱難者非上聖與英雄不能為也自
餘則莫若度德量力

度徒洛翻
量音良

觀今日之事殆非時賢

所及必將經營分表疲民以逞

言必不能長驅以定中原勢須隨所得之地分

列屯戍畫境而守疲民以逞其志也或說分音扶問翻
言人之才各具各有分量收復中原非當時人才所能辦
也經之營之過於其分量之外則不能成功丁既而才
壯苦征戰老弱困轉輸疲民以逞而不能濟也

畧踈短不能副心財殫力竭智勇俱困安得不憂及朝

廷乎

其後殷浩之敗卒如蔡謨所料

魯郡民五百餘家相與起兵附晉

求援於褚裒裒遣部將王龕李邁將銳卒三千迎之

龕苦

舍翻將即亮翻

趙南討大都督李農帥騎二萬與龕等戰于代

陂

騎寄翻

龕等大敗皆沒於趙八月裒退屯廣陵陳達聞

之焚壽春積聚毀城遁還

積子賜翻聚慈諭翻

裒上疏乞自貶詔

不許命裒還鎮京口解征討都督時河北大亂遺民二

十餘萬口渡河欲來歸附會裒已還威勢不接皆不能

自拔死亡略盡

考異曰東傳云為慕容皝及苻健所掠死亡咸盡按是時慕容皝卒已踰年

矣永和六年慕容皝始率衆南征石鑒即位後蒲洪始有衆十萬永和六年洪死健始嗣位皆與皝不相接今

不取

趙樂平王苞謀帥關右之衆攻鄴

帥讀曰率下同

左長史

石光司馬曹曜等固諫苞怒殺光等百餘人苞性貪而

無謀雍州豪傑知其無成並遣使告晉梁州刺史司馬

勲帥衆赴之

勲宣帝弟子濟南王遂之曾孫雍於用翻使䟽吏翻

楊初襲趙西

城破之

楊初武都氐王也此西城蓋即漢隗囂奔處

九月涼州官屬共上

張重華為丞相涼王雍秦涼三州牧

上時掌翻

重華屢以錢

帛賜左右寵臣又喜博奕

博樗蒲奕奕棋喜許記翻

頗廢政事徵事

索振諫曰先王夙夜勤儉以實府庫正以讐耻未雪志

平海內故也殿下嗣位之初彊寇侵逼

徵事涼所置官謂趙來攻也事

見上卷二年三年索昔各翻

賴重餌之故得戰士死力

謂以錢帛厚賞戰士得其

出力僅保社稷今蓄積已虛而寇讐尚在豈可輕有耗

散以與無功之人乎昔漢光武躬親萬機章奏詣闕報

不終日故能隆中興之業今章奏停滯動經時月

三月為一

時三月為一月下情不得上通沈寃困於囹圄

沈持林翻囹圄經翻獄也囹圄偶

許翻守也殆非明主之事也重華謝之司馬勲出駱谷破

趙長城戍

長城戍即魏司馬望鄧艾據之以拒姜維之地

壁于懸鉤去長安二

百里使治中劉煥攻長安斬京兆太守劉秀離

劉秀離蓋迎戰

而敗死渙未能至長安城下也

又拔賀城三輔豪傑多殺守令以應勲

凡三十餘壁衆五萬人趙樂平王苞乃輟攻鄴之謀使

其將麻秋姚國等將兵拒勲趙主遵遣車騎將軍王朗

帥精騎二萬以討勲為名因劫苞送鄴勲兵少畏朗不

敢進

使桓溫於是時攻關中關中可取也少詩沼翻

冬十月釋懸鉤拔宛城殺

趙南陽太守袁景復還梁州

宛於元翻
復扶又翻

初趙主遵之

發李城也謂武興公閔曰努力事成以爾為太子既而

立太子衍閔恃功欲專朝政

朝直遙翻

遵不聽閔素驍勇屢

立戰功夷夏宿將皆憚之

驍堅堯翻

既為都督總內外兵權

乃撫循殿中將士皆奏為殿中員外將軍爵關外侯

中殿

將軍晉初置殿中員外將軍又後來所置也關外侯漢
獻帝建安二十年魏武王置所謂名號侯也余按秦漢
列侯則有國邑關內侯無國邑列位於朝無官位者居
京師故謂之關內侯列侯就國者多出關外後曹操置
關外侯於關內侯之下非秦漢列爵意也

導弗之疑而更題名善惡以挫抑

之衆咸怨怒中書令孟準左衛將軍王鸞勸導稍奪閔

兵權閔益恨望

恨望猶怨望也

準等咸勸誅之十一月導召義

陽王鑒樂平王苞汝陰王琨淮南王昭等入議於鄭太

后前曰閔不臣之迹漸著今欲誅之如何鑒等皆曰宜

然鄭氏曰李城還兵無棘奴豈有今日

冉閔小字棘奴

小騎縱

之

謂閔恃功頗驕宜寬縱之

何可遽殺鑒出遣宦者楊環馳以告閔

閔遂劫李農及右衛將軍王基密謀廢導使將軍蘇彥

周成帥甲士三千人執導於南臺

三臺之南臺也水經注銅雀臺之南則金

雀臺高八丈有屋百九十間帥讀曰率

遵方與婦人彈碁

藝經曰彈碁兩人對局白黑碁

各六枚先列碁相當更先彈也其局以石為之局形四
隕而中高魏文帝善彈碁能用手中角時一書生又能
低頭以所冠葛巾撒碁劉貢父詩云漢皇初厭楚鞠勞
侍臣始作彈碁戲彈碁蓋始於漢也世說曰彈碁始自
魏內官粧奩之戲此說誤也按西京雜記漢武帝好楚
鞠言事者以為勞體非至尊所宜帝命擇似而不勞者
家君作彈碁問成曰反者誰也成曰義陽王鑒當立遵
奏之帝大悅

曰我尚如是鑒能幾時遂殺之於琨華殿

載記曰遵在位凡一百八

十三日

并殺鄭太后張后太子衍孟準王鸞及上光祿張

斐

載記曰石虎置上中光祿大夫位在左右光祿大夫上

鑒即位大赦以武興公

閔為大將軍封武德王司空李農為大司馬並錄尚書

事郎閻為司空

閻苦亥翻
又音開

秦州刺史劉羣為尚書左僕

射侍中盧諶為中書監

諶是
壬翻

秦雍流民相帥西歸

帝成

咸和四年石虎破殺劉胤徙氐羌十五萬落于司冀州
八年破石生徙秦雍民及氐羌十餘萬戶于關東今因

趙亂故相帥西歸雍
於用翻帥讀曰率

路由枋頭共推蒲洪為主衆至十

餘萬

蒲洪勸石虎徙秦雍民夷以實關東而身委質
於趙及趙之亂得因以為資奸雄伺時而動也洪

子健在鄴斬關出奔枋頭鑒懼洪之逼欲以計遣之乃

以洪為都督關中諸軍事征西大將軍雍州牧領秦州

刺史洪會官屬議應受與不

不讀曰否

主簿程朴請且與趙

連和如列國分境而治洪怒曰吾不堪為天子邪而云

列國乎引朴斬之

姚弋仲猶知盡忠於石氏蒲洪則直欲奪取之而後已

都鄉

元侯褚裒

漢志常山郡有都鄉侯國晉志不見此特還以漢舊侯國名封褚裒耳非必有實土也

至京口聞哭聲甚多以問左右對曰皆代陂死者之家

也裒慙憤發疾十二月己酉卒以吳國內史荀羨為使

持節監徐兗二州揚州之晉陵諸軍事徐州刺史時年

二十八中興方伯未有如羨之少者

少詩照翻

趙主鑒使

樂平王苞中書令李松殿中將軍張才夜攻石閔李農
於琨華殿不克禁中擾亂鑒懼偽若不知者夜斬松才
於西中華門并殺苞新興王祗虎之子也時鎮襄國與
姚弋仲蒲洪等連兵

祗北連姚弋仲南連蒲洪以討閔農

移檄中外欲共

誅閔農閔農以汝陰王琨為大都督與張舉及侍中呼
延盛帥步騎七萬分討祗等

帥讀曰率騎奇奇翻

中領軍石成侍

中石啓前河東太守石暉謀誅閔農閔農皆殺之龍驤

將軍孫伏都劉銖等帥羯士三千伏於胡天

胡天蓋石氏禁中署

舍之名驥
思將翻

亦欲誅閔農鑒在中臺伏都帥三十餘人將

升臺挾鑒以攻之鑒見伏都毀閣道臨問其故伏都曰

李農等反已在東掖門臣欲帥衛士討之謹先啓知鑒

曰卿是功臣好為官陳力

魏晉以下率謂天子為官天子亦時自言之陳展也為于

偽朕從臺上觀卿勿慮無報也

言若能誅閔農將厚賞以報之

於是伏

都銖帥衆攻閔農不克屯於鳳陽門閔農帥衆數千毀

金明門而入鑒懼閔之殺已馳招閔農開門內之謂曰

孫伏都反卿宜速討之閔農攻斬伏都等自鳳陽至現

華橫尸相枕

枕職任翻

流血成渠宣令內外六夷敢稱兵仗

者斬

稱舉也

胡人或斬關或踰城而出者不可勝數

閔既誅孫

伏都等又禁胡人稱兵仗胡人知禍之將及故去勝音升

閔使尚書王簡少府王鬱

帥衆數千守鑒於御龍觀

觀古玩翻

懸食以給之下令城中

曰近日孫劉構逆支黨伏誅良善一無預也今日已後

與官同心者留不同者各任所之敕城門不復相禁

復扶

又翻於是趙人百里內悉入城

趙人謂中國人也

胡羯去者填門

閔知胡之不為已用班令內外趙人斬一胡首送鳳陽

門者文官進位三等武官悉拜牙門一日之中斬首數

萬閔親帥趙人以誅胡羯無貴賤男女少長皆斬之

少詩

照翻長知兩翻

死者二十餘萬尸諸城外悉為野犬豺狼所食

其屯戍四方者閔皆以書命趙人為將帥者誅之或高

鼻多須濫死者半

高鼻多鬚其狀似羯胡故亦見殺將即亮翻帥所類翻

燕王

雋遣使至涼州

使疏吏翻

約張重華共擊趙

高句麗王釗

送前東夷護軍宋晃于燕燕王雋赦之更名曰活

更工衡翻

下拜為中尉

晃奔高麗見九十六卷成帝咸康四年

六年春正月趙大將軍閔欲滅去石氏之迹

去羌呂翻

託以

識文有繼趙李更國號曰衛易姓李氏大赦改元青龍

太宰趙庶太尉張舉中軍將軍張春光祿大夫石岳撫

軍石寧

撫軍之下當有將軍字

武衛將軍張季及公侯卿校龍騰

等萬餘人出奔襄國

從石祗也校戶教翻

汝陰王琨奔冀州

趙之冀州

治信都

撫軍將軍張沈據滏口

滏口滏水之口也唐代宗永泰元年薛嵩處於滏口

之右故臨水縣城置昭義縣以屬磁州沈持林翻滏音釜

張賀度據石瀆

魏收地形志鄴縣有

石實堰

建義將軍段勤據黎陽

建義將軍蓋亦後趙所置

寧南將軍楊

羣據桑壁

後趙蓋於征鎮安平之外又置四寧括地志易州遂成縣界有桑丘城又水經注常山蒲

吾縣東南有桑中縣故城俗謂之石勒城

劉國據陽城

續漢志中山蒲陰縣有陽城據後劉國自

繁陽引兵會石琨擊冉閔則此陽城乃繁陽城也

段龕據陳留姚弋仲據灊頭

龕苦含翻蒲書涉翻

蒲洪據枋頭衆各數萬皆不附於閔勤末桎

之子龕蘭之子也

段末桎先據令支段蘭自宇文入趙

王朗麻秋自長安

赴洛陽秋承閔書誅朗部胡千餘人

朗所部有胡兵千餘人閔命秋誅之

朗奔襄國秋帥衆歸鄴

帥讀曰率下同

蒲洪使其子龍驤將軍

雄迎擊獲之

驤思將翻

以為軍師將軍汝陰王琨及張舉王

朗帥衆七萬伐鄴大將軍閔帥騎千餘與戰於城北閔

操兩刃矛馳騎擊之

兩刃矛者鉞之兩旁皆刃其刃騎寄翻操千高翻

所向摧

陷斬首三千級琨等大敗而去閔與李農帥騎三萬討

張賀度于石瀆閏月

考異曰帝紀後云閏月三十國晉春秋皆云閏正月按長歷閏二

月帝紀閏月有丁丑已丑按是歲正月癸酉朔若閏正月即無丁丑已丑今以長歷為据

衛主鑒密

遣宦者齎書召張沈等使乘虛襲鄴宦者以告閔農閔

農馳還廢鑒殺之

載記曰鑒立一百三日

并殺趙主虎二十八孫

盡滅石氏

載記曰始勒以成帝咸和三年僭立二主四子凡二十三年

姚弋仲子曜

武將軍益

曜武曜威蓋皆石氏所置

武衛將軍若帥禁兵數千斬關

奔灑頭弋仲帥衆討閔軍于混橋司徒申鍾等上尊號

於閔閔以讓李農農固辭閔曰吾屬故晉人也今晉室

猶存請與諸君分割州郡各稱牧守公侯

守式又翻

奉表迎

晉天子還都洛陽尚書胡睦進曰陛下聖德應天宜登

大位晉氏衰微遠竄江表豈能總馭英雄混壹四海乎

閔曰胡尚書之言可謂識機知命矣乃即皇帝位

冉閔字永

曾少字棘奴虎之養孫也父瞻本姓冉名良魏郡內黃人勒破陳午獲瞻時年十二命虎子之

大赦改

元永興國號大魏

朝廷聞中原大亂復謀進取

復扶又翻

己丑以揚州刺史殷浩為中軍將軍假節都督揚豫徐

兗青五州諸軍事

為殷浩喪師張本

以蒲洪為氐王使持節征

北大將軍都督河北諸軍事冀州刺史廣川郡公蒲健

為假節右將軍監河北征討前鋒諸軍事襄國公

去年蒲洪

遣使來降今經畧中原故授任以懷來之使疏吏翻監工銜翻

姚弋仲蒲洪各有據

關右之志弋仲遣其子襄帥衆五萬擊洪洪迎擊破之

斬獲三萬餘級洪自稱大都督大將軍大單于三秦王

改姓苻氏

洪以識文草付應王又其孫堅背有舛付字遂改姓苻氏苻上從竹者非單音蟬

以

南安雷弱兒為輔國將軍安定梁楞為前將軍領左長

史

楞盧登翻

馮翊魚遵為右將軍領右長史

風俗通宋公子魚之後以王父

字為氏

京兆段陵為左將軍領左司馬天水趙俱隴西牛

夷北地辛牢皆為從事中郎互酋毛貴為單于輔相

互即

氏字

二月燕王雋使慕容霸將兵二萬自東道出徒河

慕輿于自西道出蠕蠕塞雋自中道出盧龍塞以伐趙

杜佑曰盧龍塞在今平州城西北二百里

以慕容恪鮮于亮為前驅命慕輿

望槎山通道

槎仕下翻邪
斫木曰槎

留世子曄守龍城以內史劉

斌為大司農

斌音彬

與典書令皇甫真留統後事霸軍至

三陁

樂安城在遼西遼陽縣東魏收地形志
海陽縣有橫山蓋即三陁之地陁音形

趙征東將

軍鄧恒惺怖焚倉庫奔安樂遁去

安樂當作樂安果如
慕容霸所料怖音布

翻與幽州刺史王午共保薊

薊音計

徙河南部都尉孫泳

急入安樂撲滅餘火籍其穀帛霸收安樂北平兵糧

安樂

並當作

與雋會臨渠

臨渠城臨洶渠洶水出右北平無
終縣西山東南至雍奴縣入鮑丘

樂安

水魏武征蹋頭從洶口鑿渠逕雍
奴縣州以通河海者也洶古戍翻

三月燕兵至無終王

午留其將王佗以數千人守薊

佗徒河翻

與鄧恒走保魯口

魏收地形志博陵郡饒陽縣有魯口城博陵郡唐為定州

乙巳雋拔薊執王佗斬之

雋欲悉阮其士卒千餘人慕容霸諫曰趙為暴虐王興

師伐之將以拯民於塗炭而撫有中州也今始得薊而

阮其士卒恐不可以為王師之先聲也雋入都于薊中

州士女降者相繼

降戶江翻

燕兵至范陽范陽太守李產欲

為石氏拒燕

為于偽翻

衆莫為用乃帥八城令長出降

范陽郡統

涿良鄉方城長鄉道故安范陽容城八縣帥讀曰率

雋復以產為太守產子績為

幽州別駕奔其家從王午在魯口鄧恒謂午曰績鄉里

在北

績范陽人范陽在魯口之北

父已降燕今雖在此恐終難相保

徒為人累不如去之

累力瑞翻去羗呂翻謂殺之也

午曰此何言也夫

以當今喪亂

喪息浪翻

而績乃能立義捐家情節之重雖古

烈士無以過乃欲以猜嫌害之燕趙之士聞之謂我直

相聚為賊了無意識衆情一散不可復集

復扶又翻

此為坐

自屠潰也恒乃止午猶慮諸將不與已同心或致非意

謂諸將殺之非午之意

乃遣績歸績始辭午往見燕王雋雋讓之

曰卿不識天命棄職邀名今日乃始來邪對曰臣眷戀

舊主志存徵節官身所在何事非君

績謂其身為官身言委質事君身非

我有也 殿下方以義取天下臣未謂得見之晚也雋悅善

待之雋以弟宣為代郡城郎

此秦漢以來之代郡非後魏之代都此代郡治代後

魏代都乃秦漢之平城也城郎城大皆鮮卑所置付以城郭之任郎主也 孫泳為廣寧太守

悉置幽州郡縣守宰甲子雋使中部侯釐慕輿句督薊

中留事

侯釐蓋亦鮮卑部帥之稱侯渠之翻

自將擊鄧恒於魯口軍至清

梁

魏收地形志高陽蠡吾縣有清涼城水經注中山蒲陰縣東南有清梁亭

恒將鹿勃早將

數千人夜襲燕營

鹿姓也風俗通後漢有巴郡太守鹿旗

半已得入先犯

前鋒都督慕容霸突入幕下霸起奮擊手殺十餘人早

不能進由是燕軍得嚴

謂得以嚴備也

雋謂慕容與根曰賊鋒甚

銳宜且避之根正色曰我衆彼寡力不相敵故乘夜來

戰冀萬一獲利今求賊得賊正當擊之復何所疑

復扶又翻

王但安卧臣等自為王破之

為于偽翻

雋不能自安內史李

洪從雋出營外屯高冢上根帥左右精勇數百人從中

牙直前擊早

中牙雋所居也

李洪徐整騎隊還助之

騎奇寄翻

早乃

退走衆軍追擊四十餘里早僅以身免所從士卒死亡

略盡雋引兵還薊

雋之還薊亦鹿勃早有以挫其銳否則進攻魯口矣

魏主閔

復姓冉氏尊母王氏為皇太后立妻董氏為皇后子智

為皇太子肅明裕皆為王

肅明裕閔之三子

以李農為太宰領

太尉錄尚書事封齊王其子皆封縣公遣使者持節赦

諸軍屯皆不從

諸軍屯張沈及蒲洪等也

麻秋說苻洪曰

說翰苻翻

冉

閔石祗方相持中原之亂未可平也不如先取關中基業已固然後東爭天下誰敢敵之洪深然之既而秋因

宴鳩洪欲并其衆世子健收秋斬之洪謂健曰吾所以

未入關者以為中州可定今不幸為豎子所困中州非

汝兄弟所能辦我死汝急入關言終而卒健代統其衆

乃去大都督大將軍三秦王之號去羌呂翻稱晉官爵遣其

叔父安來告喪且請朝命朝直遙翻趙新興王祗即皇帝

位于襄國考異曰晉帝紀祗即位在閏月三十國晉

弋仲苻健官而不言苻洪三月死故疑祗以三月即位改元永寧以汝陰王琨為

相國六夷據州郡者皆應之六夷胡羯氏羌段氏及巴蠻也祗以姚弋

仲為右丞相親趙王待以殊禮弋仲子襄雄勇多才略

士民多愛之請弋仲以為嗣弋仲以襄非長子不許

襄弋

仲之第五子

長知兩翻請者日以千數弋仲乃使之將兵

將即亮翻

祇

以襄為驃騎將軍豫州刺史新昌公又以苻健為都督

河南諸軍事鎮南大將軍開府儀同三司兖州牧略陽

郡公夏四月趙主祗遣汝陰王琨將兵十萬伐魏

魏主閔殺李農及其三子并尚書令王謨侍中王衍中

常侍嚴震趙昇閔遣使臨江告晉曰

使疏吏翻

逆番亂中原

今已誅之能共討者可遣軍來也朝廷不應 五月廬

江太守袁真攻魏合肥克之虜其居民而還

還從宣翻又如字

六月趙汝陰王琨進據邯鄲

邯鄲音寒丹

鎮南將軍劉國

自繁陽會之

繁陽縣漢屬魏郡晉屬潁丘郡清廢繁陽入相州內黃縣

魏衛將軍王

泰擊琨大破之死者萬餘人劉國還繁陽 初段蘭卒

於令支

段蘭之令支見上卷康帝建元元年令音鈴又郎定翻支音祁

段龕代領其衆

因石氏之亂擁部落南徙秋七月龕引兵東據廣固

龕自

陳留而東

自稱齊王

八月代郡人趙楷帥三百餘家

叛燕歸趙并州刺史張平

榘苦合翻
帥讀曰率

燕王儁徙廣寧上

谷二郡民於徐無

徐無縣漢晉屬右北平郡後周廢入
無終縣唐改無終為玉田縣屬薊州

代郡民於凡城

恐其復叛歸
趙故徙之

王朗之去長安也朗司

馬杜洪據長安自稱晉征北將軍雍州刺史以馮翊張

琚為司馬關西夷夏皆應之

雍於用翻
夏戶雅翻

苻健欲取之恐

洪知之乃受趙官爵

趙主祗所
授者也

以趙俱為河內太守戍

溫牛夷為安集將軍戍懷

安集將軍苻氏置以安集民
夷為號溫縣懷縣並屬河內

郡溫縣唐屬益州懷縣
故城在懷州武陟縣西

治宮室於枋頭

治直
之翻

課民種麥

示無西意有知而不種者健殺之以徇既而自稱晉征
西大將軍都督關中諸軍事雍州刺史以武威賈玄碩
為左長史略陽梁安為右長史段純為左司馬辛牢為
右司馬京兆王魚安定程肱胡文等為軍諮祭酒悉衆
而西以魚遵為前鋒行至盟津

盟讀曰孟

為浮梁以濟遣弟

輔國將軍雄帥衆五千自潼關入兄子揚武將軍菁帥

衆七千自軹關入

從河南入潼關至華陰從河北入軹關自蒲津西渡河至渭北合兵以攻

張安帥讀臨別執菁手曰若事不捷汝死河北我死河
曰率下同

南不復相見

復扶又翻

既濟焚橋自帥大衆隨雄而進杜洪

聞之與健書侮嫚之以張琚弟先為征虜將軍帥衆萬

三千逆戰于潼關之北先兵大敗走還長安洪悉召關

中之衆以拒健洪弟郁勸洪迎健洪不從郁帥所部降

於健

降戶江翻下同

健遣苻雄徇渭北氐酋毛受屯高陵

高陵縣漢

屬馮翊晉改曰高陵屬京兆

徐磋屯好時

磋倉何翻好時縣前漢屬右扶風後漢晉省時音止

羌酋白犢屯黃白

即黃白城酋慈由翻

衆各數萬皆斬洪使

使疏吏翻

遣子降於健苻菁魚遵所過城邑無不降附洪懼固守

長安 張賀度段勤劉國斬豚會于昌城

魏收地形志
魏郡昌樂縣

有昌城昌樂縣後魏太和二十一年分魏縣置斬居焮

翻將攻鄴魏主閔自將擊之

戰于蒼亭

蒼亭在河上西南至東阿六十里自將即亮

翻賀度等大敗死者二

萬八千人追斬斬豚於陰安

陰安縣漢屬魏郡晉屬頓丘郡劉昫曰陰安城在澶

州頓丘縣北

盡俘其衆而歸閔戎卒三十餘萬旌旗鉦鼓綿

亘百餘里雖石氏之盛無以過也故晉散騎常侍隴西

辛謐有高名

散悉亶翻
騎奇寄翻

歷劉石之世徵辟皆不就閔備

禮徵為太常謐遺閔書

遺于季翻

以為物極則反致至則危

戰國策曰物至而反冬夏是也致至則危累基是也高誘注曰冬至生夏至殺故曰反致極也君王功

已成矣宜因茲大捷歸身晉朝

朝直遙翻

必有由夷之廉享

松喬之壽矣

由夷許由夷伯也松喬赤松子王子喬也

因不食而卒

九月

燕王雋南狗冀州取章武河間

晉武帝泰始元年分勃海置章武國五代志後

魏以河間置瀛州統內有平舒縣舊置章武郡

初勃海賈堅少尚氣節

少詩照翻下同

仕趙為殿中督趙亡堅奔魏主閔還鄉里擁部曲數千

家燕慕容評狗勃海遣使招之堅終不降

使疏吏翻降戶江翻

評

與戰擒之雋以評為章武太守封裕為河間太守雋與

慕容恪皆愛賈堅之材堅時年六十餘恪聞其善射置牛百步上以試之堅曰少之時能令不中今老矣徃徃

中之乃射再發

少詩照翻中竹仲翻射而亦翻

一矢拂脊一矢磨腹皆

附膚落毛上下如一觀者咸服其妙雋以堅為樂陵太

守治高城

高城縣自漢以來屬勃海郡賢曰高城故城在今滄州鹽山縣南

苻菁與

張先戰于渭北擒之三輔郡縣堡壁皆降冬十月苻健

長驅至長安杜洪張琚奔司竹

扶風盤屋縣有司竹園宋白曰竹在鄠盤屋之

間漢官有竹丞魏置司守之官後魏有司竹都尉

燕王雋還薊留諸將守之

雋還至龍城謁陵廟 十一月魏主閔帥步騎十萬攻

襄國

帥讀曰率騎奇寄翻下同

署其子太原王脣為大單于驃騎大

將軍以降番一千配之為麾下

單音蟬驃匹妙翻降戶江翻

光祿大

夫韋謏諫曰胡羯皆我之仇敵

謏蘇烏翻閔先誅胡羯故謏云然

今來

歸附苟存性命耳萬一為變悔之何及請誅屏降番去

單于之號

屏必罪翻去羌呂翻

以防微杜漸閔方欲撫納羣番大

怒誅謏及其子伯陽

為下降胡執脣降趙張本

甲午苻健入長安

以民心思晉乃遣參軍杜山伯詣建康獻捷并修好於

桓溫於是秦雍中外皆附之

中外皆附健以其歸晉也好呼到翻雍於用翻夏戶

雅翻

趙涼州刺史石寧獨據上邽不下十二月苻雄擊斬

之蔡謨除司徒三年不就職

四年謨除司徒

詔書屢下太后

遣使諭意

使疏吏翻

謨終不受於是帝臨軒遣侍中紀據黃

門郎丁纂徵謨謨陳疾篤使主簿謝攸陳讓自旦至申

使者十餘返而謨不至時帝方八歲甚倦問左右曰所

召人何以至今不來臨軒何時當竟太后以君臣俱疲

乃詔必不來者宜罷朝

朝直遙翻下同

中軍將軍殷浩奏免吏

部尚書江彪官

彪通開翻

會稽王昱令曹曰

下令於尚書曹也昱時錄尚書

六條事會工外翻

蔡公傲違上命無人臣之禮若人主卑屈於

上大義不行於下亦不知所以為政矣公卿乃奏謨悖

慢傲上罪同不臣

悖蒲內翻

請送廷尉以正刑書謨懼帥子

弟詣闕稽顙自到廷尉待罪

帥讀曰率稽音啟

殷浩欲加謨大

辟

辟毗亦翻

會徐州刺史荀羨入朝

羨自京口朝建康

浩以問羨羨

曰蔡公今日事危

謂謨死也

明日必有桓文之舉

言將舉兵以問其罪

浩乃止下詔免謨為庶人

資治通鑑卷九十八